

煙

波

漁

唱

煙波漁唱目錄

卷一 詞

點絳脣 初春

生查子 孤舟暮泊

轉應詞

謁金門

好事近

百字令 庚辰春暮作

四字令

視英臺近

摸魚子

孤山巢居閣落成祀林先生像補梅放鶴

如夢令

憶秦娥

渡江雲 寄鮑野雲

百字令

酬郭小巖畫竹

又 邗上贈鄒魯詹用稼軒韻

慶春宮

題孫小屏飲香詞用宋人韻

菩薩蠻 七夕

點絳脣

卜算子 自題看雲鑑水之軒

行香子

釵頭鳳

浣谿沙

集唐

南歌子

臨江仙

湖上採梅尋歸遇雪

點絳脣

清平樂

春日茗溪道中

好事近

菩薩蠻

秋山

齊天樂

借許玉年賦岑吉齋昆仲西湖泛月

齊天樂

閨天竹果

戀繡衾

浪淘沙

別思

生查子

皇亭歡喜橋

朝中措

雙雙燕

燕

河傳

掃花游

題汪小米水北樓

清平樂

雨中送春

步蟾宮

暗香

題

心齋夫人梅邊待月

東坡引

減蘭

夏日

齊天樂

梅花帳額

高陽臺

落花

水龍吟

西湖漁火

齊天樂 畫角

綺羅香 理安看桂

瑣窗寒 雨中送春

疏影 雪後孤山探梅拜蘇公

法曲獻仙音 卓亭看花

揚州慢 題州清岩那江春

珍珠簾 寒食西溪看物展樊

八聲甘州 儀秋

高陽臺 饒仲雲集汪氏東軒

清平樂 二月十四日喜晴

點絳脣 小秦淮感舊

百字令 楊雪撒過杭湖游雲

浣谿紗 二首 竹夫人

摸漁子 西溪看蘆花

買陂塘 借次白道署靈隱夜

水龍吟 伏夏雨後南屏泛月

鶯啼序 廣陵感舊

探春 集小羅浮山館分韻

卜算子 望惠山

聲聲慢 吳仲雲閨九日搯飲

清平樂 十二月十五日立春日喜晴

望湘人

東風第一枝 詠盆梅紅白相

滿江紅 焦山遇雨禱江神得

煙波漁唱目錄

二

摸魚子

題陳芝蘭城仙夢圖

徵招 廣陵東園探梅

風入松

臨平歸棹

一痕沙

買陂塘

西湖新製碧閣小艇

又 沈鄭圃江上草堂

探春

和葉小庭孤山探梅

水龍吟

游靈巖大風沙望太湖不見不得至鄧尉

一萼紅

歸杭孤山梅已殘矣用石帚韻再和

南浦

送許訊岑北歸東嶺生

金縷曲

紅袖拂塵圖宋魏仲先亭為滋伯題

水龍吟

過小羅浮山館梅花盛放懷仲雲在登萊

綠意

類娑果

桂枝香

新粟

暗香

超山觀梅坐雨下暮歸湖墅

疏影

自鵝鑾入西溪探梅靈交蘆庵宿章氏溪堂

柳梢青

放櫂茗溪

唐多令

返棹過阜亭挑花全落矣悵賦

金縷曲

題龍興門芙蓉黃雨圖

又 梅雨

以梅子黃時雨為起句

又 白菊

疏影

朱蓼

摸魚子

題滋伯花灘漁唱圖

滿江紅

鹽官城觀潮

齊天樂

題方雲泉鶯湖舊夢圖

鵲橋仙

惜餘春慢

齊前新植芍藥盛開詞以薊之

菩薩蠻

簪茉莉美人便面

玲瓏玉

詠廢園玉玲瓏石爲沈遠叔賦

八聲甘州

答許玉年敦煌書

又

玉年歿于敦煌傷懷感賦次前調

金縷曲四首

題畫四種

鳳凰臺上憶吹簫

題帝女花仙奇

卷二 詞

減蘭

題葉小庚本事詞

如夢令

用後殘花以瓶供之

一剪梅

梅花引

廣陵包氏小園

西江月

渡揚子江

無夢令

楓江雨中

浪淘沙

周鐵士先生秋水堂圖爲澹巖題

小重山

過惠山不得遊

壺中天

歲闌集吳山清素道院

昭君怨

西溪村居梅花盛開

大聖樂

病巾和人西湖餞春韻次草窗東園餞春韻

祝英臺近

宿南屏聽雨

煙波漁唱目錄

摸魚子

孤山花殘亭圯復議
重葺徵詠再齋前調

惜餘春慢

廣陵包氏棣
園看芍藥

臨江仙

夏日早起

沁園春

秋蟲金鈴子

浣谿沙

齊天樂

游惠山坐樓雲
樓試第二泉

齊天樂

寄暢園

減蘭

采桑子

初春汎舟南屏

洞仙歌

武林放棹

山花子

自武林至苕溪

曲遊春

塘棲觀水嬉
用草窗韻

望湘人

題闕文山畫洛神

朝中措

解連環

宿穹窿山與
道人話舊

鶯啼序

游木瀆錢氏二
園及靈巖山館

金縷曲

詠唐宮小忽雷用
稼軒琵琶詞韻

喝火令

新柳

臨江仙

竹溪歸棹

如夢令

掃花游

戊申送春日

摸魚子

題許芷卿秋
隱庵填詞圖

玉漏遲

題吳仲雲花宜詞用
草窗題夢窗詞韻

綺羅香

秋日雨中湖上

念奴嬌

芙蓉湖紀事

好事近

夏夜起坐月

鵲橋仙

雨巾海棠

拜星月

十姊妹花

一痕沙

蘭陵王

苦雨用竹屋
春雨詞韻
怡園賞桂

相見歡

百字令

怡園賞桂

喜遷鶯

秋夜聞雁次
康伯可韻

點絳脣

薛濤箋

燭影搖紅

趙靜莊夫人秋槩
小影李敬齋屬題

絳都春

薛濤箋

憶舊游

客言武林汪姬事

疏影

集冬青書屋賞
梅餞小垞北上

天香

熏爐

水龍吟

南天竹

摸魚子

蕨

齊天樂

鴉

桂枝香

蚶

天香

扇檀香

水龍吟

茗花

摸魚子

蕨

齊天樂

鶯

桂枝香

螺

天香龍涎香

水龍吟白蓮

摸魚子蕁

齊天樂蟬

桂枝香蟹

玉樓春春睡譜昉思詞意

甘州和仲雲蜀中見懷

水調歌頭西谿道中

遶佛閣普賢院碑墨送藏

鳳皇臺上憶吹簫明樂安長公主玉印

宴清都敦復堂觀國初諸

高陽臺殘梅

東風第一枝冬青書屋賞

滿江紅西湖岳廟旁

憶舊遊雨後登韞光送藏梁

水龍吟白桃花

滿江紅岳忠武王名印拓

東風第一枝壬子元旦雪霽用梅溪韻

霓裳中序第一孤山看梅病

又題家玉湖夢雲

又題揚詞疊前韻

霜花腴王就廬折園桂見贈賦答

憶舊遊隣近沈孫

暗香梅魂其二又禁體

疏影 菊影其二 又禁體

百字令 葛

壯節公寶

摸魚子

哭陳芝榻親祭歿于邢江次前題圖詞

憶秦娥 冬

夜枕上

卷三 詞

摸魚子

贈黃韻珊

又 送春用

稼軒韻

探芳訊

長豐山館煖 薰和黃韻珊

倦尋芳

過

竹素園 韻珊

百字令

題胡元潤金陵 二十四景畫冊

金縷曲

吳

寅中秋 山映月

秋鬢

晚秋西溪 看蘆花

八聲甘州

湧金門外 茗壚聽曲

摸魚子

西湖瓜皮船

洞仙歌

城

東項秋伊園 蟲窠

一剪梅

題羅鏡泉西 谿荒隱便面

沁園春

詠

綉

瑤花

九九消寒圖

水龍吟

鮫

金縷曲

題詞家三李圖

百字令

題

石致夫瘦竹 花館詞遺彙

百字令

題江柳堂先生嗜 酒愛修竹遺照

湘月

馬湘

蘭便

煙波漁唱目錄

五

金縷曲

題黃韻珊卷
令原院本

醉太平

乙卯初春

木蘭花

慢聽圓觀術

浪淘沙

六月十八夜
湖上和韻梅

百字令

題金改之詞集

石州引

新秋作

河傳

讀項蓮生秋
詞追和之

卜算子

別思

洞仙歌

醉麻姑畫燈

摸魚子

約滋伯尋秋代簡兼
懷綢士婺州之行

掃花游

晚秋登葛嶺

湘月

飛白竹

翠樓吟

翠雀花

玉蝴蝶

洋蝴蝶花

露華

僧鞋菊

齊天樂

連日賞秋金改之以
詞答謝不至和原調

鎖廳寒

秋煙

憶舊遊

秋寺

霜葉飛

秋林

渡江雲

秋帆

水龍吟

秋笛

月華清

秋砧

疏影

秋燈

臺城路

秋柝

綺羅香 秋衾

雙雙燕 秋燕

倦尋芳 秋曉

聲聲慢 秋燕

長亭怨慢 秋曉

西子妝 秋燕

水調歌頭 秋曉

眼兒嬌 秋燕

百字令 秋曉

探春 秋燕

浣谿沙 秋曉

洞仙歌 秋燕

探芳訊 秋曉

齊天樂 秋燕

翠樓吟 秋曉

天香 秋燕

齊天樂 秋曉

河傳 秋燕

憶舊遊 秋曉

齊天樂 秋燕

長亭怨慢 秋曉

念奴嬌 秋燕

金縷曲 秋曉

壽樓春 秋燕

詞聖史魚目案

瑞鶴仙

送綉士渡江兼懷玉湖雲間效蔣竹山體

又詠五色金鳳花

摸魚子

西陵山陰道上

長亭怨慢 送綉士游江南

高陽臺

題澤齋煙雲

滿江紅

川沙種德寺岳忠

壺中天

題蕭時月色圖

卜算子

詠香栢陰山

更漏子

題丁松生詩卷

金縷曲

章門旅舍大風

清平樂

寓舍久雨寫悶

滿江紅

明裏資妃墓前

高陽臺

陳園看牡丹

菩薩蠻

香獨坐圖

卷四 南北曲

南雙

風入禱 雨中望道場山

南仙

阜羅袍 暮春對雨

又

解三醒 喜晴

南南

宜春令 王仲常山望

南大石

念奴嬌序

又 又

又

南中

古輪臺

又

尾聲

魏藻伯得前蜀寫眉鏡屬以十國春秋王承休傳事填詞

南商調

金絡索

梧桐樹

梧桐五更

梧桐半折芙蓉花

方雲泉以所藏陳坤維女史手題元詩選屬譜樂府陳詩記鸞書易米事詩載樊榭集中此乃原書墨蹟

南仙呂

掉角兒序

六月十四日夜飲王氏山堂

又

早羅袍

十六日雲林坐月

又

桂枝香

題畫牡丹亭驚夢便面即集本詞句

北黃鐘

醉花陰

初春西谿山居

北雙調

新水令

駐馬聽

喬牌兒

沈醉東風

風入松

又

滴瀾金

雁兒落

得勝令

川撥棹

七弟兄

又

梅花酒

收江南

煞尾

題林少穆制府邊城伴

中嘉洪雅存自塞外歸原詞尤侯韻全折是時制府將滿少子過西陲倚費于茗寫圖

聖文魚目珠

北仙 一半兒 塘樓歸舟道中

又 雁兒落帶得勝令 吳門聽施松庵琵琶

又 沈醉東風 戊申三月清溪道中

又 新水令 駐馬聽 沈醉東風 折桂令 沽美酒

雁兒落 得勝令 川撥棹 水仙子 離亭宴

帶歇拍煞 題陸圓洲著我城石間圖

又 新水令 駐馬聽 沈醉東風 雁兒落 得勝令

川撥棹 折桂令 離亭宴 帶歇拍煞 東城廣園

輿庵所創今數易主久非其舊沈蓮城直指得之疏請改築故歌絕勝開巡行筭譜此以賀

又 折桂令 任地詞采

北仙 寄生草 茂落竹成

又 一半兒

北黃 醉花陰 喜遷鶯 出隊子 刮地風 四門子

水仙子 尾聲 道光戊申六月十八夜湖上紀遊

南大 驀山谿

石 調南 山坡羊 歲暮有感

北正 端正好 滾繡毬 叨叨令 脫布衫 小梁州

尾聲 周氏駐花吟館看菊

北雙 折桂令 四闋 東軒馮楹庭梅盆梅枯盡丙辰新春補買益花二枝供之齋中破悶請此

南仙 步步嬌 醉扶歸 阜羅袍 好姐姐 尾聲 丙辰人日集疏影庵觀益梅

南南 嬾畫眉 又 梁州新郞 又 前腔 又 節

節高 又 尾聲 初夏集朱莊聽歌香雪廬春山堂雨主人新詞

又 嬾畫眉 夏日口占

北仙 一半兒 立秋後口占

又憶金閨舊事戲作

又

點絳脣 混江龍

油壺盧 天下樂 那吒令

鵲踏枝 寄生草

煞尾 題唐子畏淮陽春市圖卷

南越調

浪淘沙 小桃紅

下山虎 蠻牌令 五般宜

五韻美 黑麻令

尾聲 題四時田園雜興詩畫卷

續增詞目

摸魚子 題楊李汪碧巢先生遺照

霜天曉角 題扇頭寒雀梅圖

長亭怨慢 題佩瑀遺照小像

八聲甘州 自題秋江歸棹圖

摸魚子 江鄉感賦

醉落魄 宋人句

百字令 中秋日秋分

憶舊遊

古詩 謝靈運 謝靈運

滿庭芳

自題坐墓

百字令

即題 少仲廉訪 集

飛雪滿羣山

對雪

齊天樂

集曹氏舊時 月色軒探梅

百字令

春寒有約探梅 鄧尉

掃花游

再集曹氏 書軒看梅

風入松

湖上

謁金門

春仲舟行

三姝媚

暮泊花村 晚眺夜忽風 且乃息遂渡湖至松陵

惜餘春慢

游吳門 拙政園

滿江紅

魏塘至申 浦江行作

菩薩蠻

題美人獨立圖 統扇費餘伯繪

齊天樂

追和滋伯月 湖夜泛遣詞

南鄉子

秋熱又和 滋伯遺詞

南歌子

追和香雪廬主 人前贈遺詞

壺中天

孤山訪友 遂 尋秋雲林寺

高陽臺

步登輪 光作

金縷曲

丁卯中秋登吳山 照月疊再賞年韻

祝英臺

近坐雨

琵琶仙

照別家舊詞韻 行和其舊詞韻

醉蓬萊

古民招集曹氏 既段園 並饒別孫子授司謀

瑞鶴仙

放菊初晴 催 菊菊持盃作

調笑令

秋晚

煙波漁唱目錄

九

10

THE UNIVERSITY OF CHICAGO PRESS

題辭

吳江郭應祥伯

詞家至今日各種備矣擅勝惟有典雅清雋足追古人而竝之耳作者立意不與衆同絕去甜熟庸俗自標清綺君家玉田豈遂難繼響耶道光辛卯三月復翁

吳縣石同福敬夫

尊詞運筆高妙用意靜細讀近著一卷如西溪看梅之珍珠簾登是亦樓之高陽臺氣韻絕高直造石帚仙闌城小令鵲橋仙卜算子亦將奪梅溪之席矣癸巳秋日蘭江舟次
尊詞不襲周秦特宗姜史所以氣骨甚高甲午夏桐江舟次

又題

太倉畢華珍子筠

浙西詞派自竹垞翁力追南宋樊榭繼起自後人能脩譜家
竝倚聲乾嘉之間殆稱極盛然 本朝詞學所以能遠超明
代者固由人知辨香南宋至於抽心鍊冶則具有骨韻未可
揣摩張史遂以爲工也君詞淒豔婉約讀之魂醉欲飛真能
得南渡諸家心髓非出於描摹綴襲故當超然殊異耳己亥
八月

鏡塘 羅以智 鏡泉

仇山邨序玉田詞有云言順律外律協言謬俱非本色讀
田詞流麗清暢之中仍覺律呂協洽故在南宋派與石帚梅
溪竝爲倚聲家圭臬仲甫舍人高情曠度超然自遠於世故
濡染玉田翁宗風言順律協兩者合美且不以刻飾爲工真
乃好學深思心知其意者一讀三擊節譬之聆鈞天樂人閒

淫哇浮靡之音不能入聽矣庚子孟春二十有七日

吳江陳來泰 詞苑

余昔游西泠交仲甫孝廉知其爲酒篤靜默人也迨癸巳甲午閒詰嗣受業於余樂數晨夕益相傾倒因縱讀其所爲詩詞仲甫少年喜爲詞而不甚肆力於詩然其詩則儕輩皆以清真相許素有怔忡疾顧於詞獨嗜之甚吟成輒極絀幽折之致以疾屢阻春官往往託意焉別七八年忽相遇於吳市攜眎數年詩草一冊讀之沈雄宕遠境更大進知其始衰以後畏劇肝鍛腎於絀幽折者而乃稍稍肆力於詩矣未幾又慟長君之亡侘僚鬱邑體益衰頽併詩亦罕作矣君剛存詞業屬爲勘定余素不工詞而讀君詞如見其人之靜且想及其詩之真也惟靜故細膩雋婉惟真故沈鬱芊絲質之

詞家以爲然否

集中戀繡衾詞怕登望樓高處遍天涯都是夕陽憶秦娥詞
夕陽無語自下樓西皆名句也可稱張夕陽矣詞莽又題

百字令

江都

孫宗禮定夫

曉風殘月一年年吟遍六橋烟雨莫道春人常懊惱總是傷
春情緒錦瑟芳華金釵豔想心事曾添與夜深花睡小紅偷
按簫譜何況結隊呼朋翩翩年少多半如雲侶小晏秦郎
都去矣眼底詞人誰數看劒縈愁擎杯搔首此意成千古旗
亭猶在踏歌人醉當路

又

吳縣

石同福致夫

蓬窗秋冷更誰憐倦客者般倦聽水聽風無賴甚儘把新
詞吟發除是君家三印三影餘者難其偶移宮刻羽記歌當

付紅袖 縱使黃絹題碑何如低唱樊素櫻桃口多恐畫眉
忙未了簫譜 重修能否燒燭箋愁薰香紀豔此事閒消受細
論風格幾時還借樽酒

唐多令

錢唐 魏謙升 滋伯

清漱鳳鸞羣 松濤萬壑奔玉田生壇席平分漁父家風蓑笠
在煙水外覓夫君 春漲碧粼粼山中有白雲可追蹤三影
詞人黃絹烏絲貽我讀薇露盟妙香熏

買陂塘

吳縣 石巖英 蘭士

聽雙鬟旗亭賭唱騷壇幾輩傾倒南朝宮闕斜陽路儘向六
橋憑弔團扇小早贏得空中綺語銷魂稿相逢一笑算花裏
調箏酒邊憑笛都是好詞料 垂垂柳想見當年風調才名
奚數沈鮑鵝笙麝吧閒生活我亦亂愁難掃歌悞惱記春事

年風雨催歸早判教負了只惆悵烟隄綠波新漲又送木
蘭棹

齊天樂

仁和曹 籀 葛民

碧紗燈暈蟲聲裏咿唔似聞人語細雨樓臺嫩涼亭館滿徑
綠陰無暑移宮換羽正弄月吟風翻填詞譜吹笛花閒筆端
飛上斷腸句 輸君錦心繡口嘆行閒字裏珠玉傾吐春水
當年夕陽今日 君有夕陽無語自下
樓西句人呼張夕陽都與白雲千古湖山小
住悵一曲歌來盡船簫鼓舊夢蘋洲數腔新樂府

玉漏遲

用周草窗題吳夢
園霜花腴詞集韻

仁和方 隲 雲泉

賞音塵世少別船去水雲深杳玉篴頻吹聊寫一襟幽抱狂
脫蓑衣醉舞 叩舍外丹楓圍繞招手笑請君濯足滄浪年少
酒邊幾曲 編成定荻舫孤吟葦灘閑嘯半是琴言攪入美

人香草細雨短篷臥夢不醒沙汀鷗鳥蟾魄悄秋心隔林來
照

摸魚子

吳縣石守彝少鶴

好湖山柳陰陰裏閒情散君消領越溪烟水茗溪雨認取笛
中漁隱君有笛容易病歎一例秋人薄似秋花命醉回夢醒

想吟盡天涯夕陽芳草高唱步三影年光趁老矣樊川兩
鬢西樓無語慵凭羨伊月上聯佳偶應是玉簫緣訂狂露頂
餘事作飲中仙侶詩中聖雙橈載穩更有約銅坑古梅花下
亡譜待重搢

滿庭芳

山陰施燕辰夢玉

疎柳湖脣鱸魚鄉味短笛涼倚秋篷紫薇清禁吹冷夢無蹤
漫說垂綸妙手閒付與細雨斜風都官老知誰解識安陸舊

時衷 風流南渡後荒池別苑紅泣芙蓉怎滄波忍聽換羽
移宮春水詞人甚處腸斷句重按吳中孤山路扁舟散髮花
霧話空濛

摸魚子

東吳 戴虞保 勉齋

渺煙波浮家泛宅神仙生計漁隱道場山色阜亭路儘敲閒
中消領樓漫凭怕望到天涯遍處斜陽影功名意盡算拋卻
烏紗換來鋤板鎮日遣愁悶 簫聲靜譜字幾番修整小紅
牆外偷聽子規啼老梅花落我亦惜春人病清怨耿偏容易
鍾情淚把青衫搵夢魂更省只無限離懷曉風殘月酒向昨
宵醒

青玉案

平湖 楊懋磨 酉麓

詞人不合西湖住只釀得愁如許刻意傷春春欲去綠楊風

外夕陽無語又換頭銜署

君有張夕陽之稱

白雲白石黃金鑄酒

醒香殘悟琴趣回首俊游曾幾度十里鶯花六橋烟雨都是

銷魂句

解語花 集宋人張氏詞句

錢唐楊錦雯 晚嵐

偎花識面震夢艸縈心隙詩鬢空如許輯夕陽無語末空懷

感猶倚梅花那樹炎西窗夜雨雨約風月今宵何處先寫銀

鉤適燕語侵愁韻總是闌心句翦花裏清芬獨步插奈樽

前春色細翻成離緒紫大江東去禱思量徧紫何處東風院

守想明珠翠羽軒付天孫雲綃機杼墊微韻轉清咽悲沈鉉

吹徹江城暮賦

臨江仙 次稿中竹器歸棹詞韻

華亭雷葆廉 約耳

茶竈筆牀閒料理往來西塞山前簫聲吹破白鷗天梅花歌

石帚楊柳唱屯田 我亦提鵬還挈鷺尋詩載酒湖船情絲
宛轉藕絲牽關心秋欲老回首夢如煙

讀煙波詞憶西湖舊遊作

太倉 畢華珍 少翁

猶有人閑樂笑翁一編漁唱付玲瓏憑將縫月裁雲製都入
雙聲減字中 桂殤蘭悴事如何長君早世慧業從來易折磨譜

大紅么彈不得婆留江上夕陽多 寂寂傷春復餞春三生

惆悵去來因麝香細認鬢陀字意蕊心花悟後塵 乘鑪茶

版掩重門認取青衫舊酒痕試向贛洲吹鐵笛夕陽猶未近

黃昏 豔情吟到夜迢迢塵劫鶯花總未消洗馬言愁渾不

似牙牌新鏤化明瑤 雙鬢賭酒未應餘斷墨重尋韻字紗

自別西湖頻歎逝謂琴鵬玉湧金門外卽天涯 織錦新詞

樣幾般怕拈紅豆記歌闌天涯總是銷魂樹且向闌庭種合

歎 五湖艇子雨廉纖
藕蒂荷絲一一拈
固是清愁翻水調
綠波憑與倚江淹

批雙折桂令自題詞彙

向煙波自弄漁謳元是西塞山前蓑笠朋儔生來是善病休
文不能做高歌甯戚且隨他簫市黔婁止不過自怡悅山歌
村笛那知道譜官商白石贛洲老矣休休花月刪情霜雪蒙
頭

題伯父詞稿後

興烈懌齋

吟瘦生花筆一枝酒邊擬遂倩紅兒曉風殘月銷魂地檀板
金樽按拍時茗水白雲船放慣虹橋春雨夢歸遲玉田子野
傳家派唱徹樓西夕照詞

煙波漁唱卷一

錢唐

張翥

點絳脣

初春

似霧非煙段家橋畔初稊柳倚樓眉皺又是春
年年新綠終非舊簾痕透草還如繡人比前番瘦

生查子

孤舟暮泊

垂楊送客行芳草隨舟綠舟客與林鴉暮共荒村宿
已恨大河長更恨長河曲千里路千彎歸夢如何逐

轉應詞

春暮春暮廿四番風都誤絮飛花落階庭綠樹陰中轉鶯鶯
轉鶯轉道是尋芳已晚

謁金門

斜日轉花影半窗移遍輕颺篆煙明一綫細塵無數旋
闌外落紅成片不捲玉鉤銀蒜只有歸來梁上燕畫簾閒睇盼

好事近

料峭怯東風花雨一簾初捲心緒遊絲飛絮慣春來撩亂
睡餘枕上兩蛾攢鶯聲耳邊喚好夢已無憑據又驚殘一半

百字令

庚辰春暮作

子規聲起忒怱怱過了三春時節曾向百花頭上數芳信幾
番看徹陣陣慳風朝朝恨雨鶯燕都消歇冥濛千里綠楊飛
絮如雪便道歷夏經秋煙清月白晚圃真淒絕又况陰晴
常不定煙月來朝難決檻外斜陽長繩欲繫一片痕明滅酒
醒夢轉喟然前事休說

四字令

蟬雲超低螺山黛微阿儂家住耶谿在蘿村正西 紅樓夢
迷烏絲字題通心一點靈犀斛明珠換伊

祝英臺近

捲殘紅吹嫩綠花謝水流去悶掩篋扉深夜戰風雨啼鳥不
識人愁還添人恨有多少閒言閒語 甚情緒解憂姑酌金
罇難尋醉鄉路襟上心頭都做淚痕注可堪繡幕春歸銀屏
夢醒又歌徹一聲金縷

摸魚子

庚辰冬同人議復巢居關明年二月落成送林
先生像入祀閣下補梅放鶴詩玉年以詞紀事

余亦
繼聲

遍西湖白楊衰草古人之墓留幾儷芳名將忠臣骨高士一
人而已時暗徙都付與煙蕪榛蔓荒寒裏空山自倚歎寂寞
黃昏如九冷月孤照一灣水 疏遺址百樹梅花補蒔橫斜

詩意重擬歸來雙鶴天寒守千載老仙歡喜杯酌醴捧一匊
寒泉共拜呼之起芒屨此始待學個巢居買隣編竹清夢小
樓底

如夢令

原自不禁離別何況病中拋撇兒女縱情深爭奈功名腸熱
愁結愁結畢竟心兒如鐵

憶秦娥

花迷迷夢隨春繞長河隄長河隄花飛春去樹長雲齊
一
歌金縷雙鬟低綠楊樓外黃鸝啼黃鸝啼夕陽無語自下樓
西

百字令

都門晤丹徒郭小巖汝礪畫竹見貽詞以酬之

軟紅十丈算何能一日此君相別千畝渭川揮手贈落紙霧

霏煙結素壁風生蕭齋秋到對此煩襟滌便思把臂入林尋
古賢七 況有斗酒千篇蕭疎慨慷白也才無敵跌宕煙霞
泉石下自寫凌雲奇節鶯嶺高巖龍峰古逕記得詩人跡
鄉歸也買春遙貯幽屐

又 卅上贈鄒魯瞻妹茸布奉用稼軒韻

滿江風絮又逢君正是落花時節攜手聽潮僧榻畔春枕浪
聲寒怯十里雷塘三班畫鼓前度劉郎別而今燕子舊時樓
榭難說 猶有皎皎盈盈空情照我廿四橋頭月倘把吹簫
人喚起吹散亂愁千疊金縷歌聲分明道是堪折花須折尊
前相對數莖都有華髮

渡江雲

寄丹徒鮑野雲文進並柬鄒魯瞻妹茸

青霞奇意抱題襟漢上心跡共盟鷗酒邊詩似海雋逸參軍

笑傲動滄洲清游跌宕正梅花明月揚州花下有華燈萬點
紅霧照篷舟離愁江雲湖樹舞扇舫船總匆匆分手怎慰
得相思千里小別三秋好山好友都孤負問幾時能卸塵鞵
招隱去同登瘞鶴峰頭

慶春宮

題孫小屏宗禮飲香詞用宋人王易簡謝草窗
惠詞卷韻

客枕醒眠秋窗做冷數竿篁翠敲玉翦燭清哦停盃細拍寸
腸縈繞幽獨暮雲芳草挂千里閒愁在目泠泠恍似彈徹湘
絃韻流桐木竹西多少繁華剩小秦淮一泓寒綠鸞箋象
筆玉簫金管秀句而今振觸度雲成縷想低聽小紅按曲甚
時同向廿四橋邊舊吟重續

菩薩蠻

七夕

玉繩未轉星駢轉別離何永歎何短乍見又分離不如不見

伊訴情猶未了天上雞催曉萬古淚成河銀河豈有波

點絳脣

秋到天澄日光雲影空如洗畫簾高繫吹袂西風起
花韻纔蘇搖顫生嬌麗人眠未乍涼天氣已有蛩吟砌

卜算子

自題看雲鑿水之軒

變現海山圖巧織天孫錦幻境悠然到眼前舉首雲千嶺
風蹙鏡中紋月印天邊影空境悠然到眼前俯首波千頃

行香子

怕倚樓前怕望天邊可憐宵月樣般般直從下九愁到初三
見眉兒纖梳兒薄鏡兒圓閒了屏山塵了箏絃好春光付
與啼鵲悶恹恹地淡醉濃眠更夢如煙情如絮日如年

釵頭鳳

銀河窄雙星隔別離易得歡難得菱花右蛾眉皺自從分袂
不多時候瘦瘦瘦 鍼樓側心慵織玉階閒了支機石遲遲
畫簷簷漏一番不見已難禁受又又又

浣溪沙

集唐

露下金莖鶴未知劉牙牀角枕睡常遲白居易已涼天氣未寒

時韓偓

花裏亂飛金錯落韓月明秋聽玉參差杜牧無端和淚

拭臙脂張泌

南歌子

山疊銀屏遠波橫玉簾清迴腸千曲寫難成幸有玉爐香篆
畫分明 夢後愁翻甚花前恨又生小樓芳樹暮煙平怎奈
遊絲飛絮太無情

臨江仙

初春湖上探梅暮歸遇雪

西子睡餘猶殢起遠山不展眉顰濛濛吹雨細於塵城頭雲
潑墨樓下水如銀 惆悵縞衣仙珮遠嬌枝纔吐花痕暮寒
濃鎖一簾春狂吹風捲地亂點雪成茵

點絳脣

梨院陰陰醉人天氣濃於酒雨斜風敲門閉黃昏後 兩盞
三盃爐火銷紅獸愁時候可憐花瘦又是春歸驟

清平樂

春日茗溪道中

紅情綠意柳眼桃腮裏做暖生寒花事起春在二分花底
朝來細雨吹醒遠山淡淡螺屏一幅徐熙畫臺畫中少箇樵
青

好事近

午枕夢初回簾外綠陰如翳修竹高梧疎靜聽一聲蟬曳

蜨翎不覺日當頭花底慣深遊
爾林風吹颺舞雙雙金翠

菩薩蠻

秋山

美人朝澣添蛾綠清臚皓齒
滿明玉山色畫圖中畫中如箇
儂 霜林丹翠麗滿滿簪螺髻
特地助新粧曉雲羅綺裳

齊天樂

甲申閏七月望日借許玉年乃穀詵岑乃劍吉白齋乃安昆仲西湖泛月宿富春山館

故人忽共秋風到離懷悶懷都洗
寂寞湖山清冷水月久待
詩人蘆榭高樓並倚照娥影團
樂舞鸞奩啟笑我溪鷗一年
孤負早歸計 今宵雙槳載酒管
絃真解事吹盡雲翳笛度
波心潭交鏡彩十二闌干明麗
船頭臥睇恍槎泛天邊曲闌
宮裏夢入殘更段橋孤鷓起

又闌天竹果

冷煙枯木幽庭院離離一枝珊樹
白粉牆根青蘿徑側絕豔

媽紅嬌吐花菱更貯把金屋安排翠屏遮護觸眼相思豆枝
南國意如訴 依稀簾下乍見點櫻珠小小唇上深注蘇詩
深注
唇兒
畫眉 絳燭高烧華妝靜照夜染朝酣應妬一名南
天燭 尋春又
誤但滴淚成堆暗愁難數歲晚天寒畫欄斜日午

戀繡衾

紅窗醒夢裊篆香落花風簾外細颺驪雲鬢慊慊起倚屏山
慵照鏡妝 蜀桐閒理平沙曲聽征鴻飛過畫廊怕登望樓
高處遍天涯都是夕陽

浪淘沙 別思

不繫是扁舟閒逐輕鷗綠波吹恨到紅樓那得君心如淥水
長向東流 怕上畫簾鉤眼底心頭春風難縮絮夷猶卻恨
垂楊千萬縷不會句留

生查子

歡喜橋皋亭着花艤船處

珠簾白舫來玉勒青驄去雪面笑相逢並向橋頭駐
流水
遠春深芳草斜陽暮人散獨憑闌魂黯桃花渡

朝中措

參橫斗轉漏聲沈微步立花陰月淡煙濃庭院綠肥紅瘦圓
林
朦朧夜色珠簾悄悄玉戶愔愔芳夢池塘何處等閒又
是春深

雙雙燕

畫簾絮語又來去商量者般相趁依人棟宇生怕幕巢難穩
曾記盧家舊隱誇玳瑁雙樓輕俊如今巷口烏衣一片斜陽
誰認
幽恨三春過盡歎杏雨梨雲賸香殘粉芹泥零亂滿
院落花風緊憑他紅絲繫準又遲閣天涯芳信惆悵卷絮晴

檐盡日絳愁縈闕

河傳

飛絮春去蝶成團花事西園已闌綠陰樹頭梅子酸憑闌雨
峰眉翠攢林外聲聲啼杜宇風又雨添做愁千縷困騰騰
夢惺惺銀屏欲題無句成

掃花游

題汪小米遺孫水北樓

北山迤北競豔說樓居大羅仙侶柳橋萬縷做濛濛一片好
雲遮住幔卷朝霞枕上南屏翠聚殢人處况攜箇阿嬌圖畫
深貯吟社壇坵主慣雲黑詩催月明觴舉醉陰倚柱怕忽
息春晚豔陽難駐夢墮湖煙解此塵寰未許買隣去杏花時
共聽春雨

清平樂

雨中送春

關風長雨捲了春歸去脈脈春痕留不住便住也無情緒
沉紅飛白陰陰天涯碧樹如城人向東風沈醉啼鳩猶自聲

步蟾宮

秋聲昨到梧桐院過微雨小欄花粲淡黃濃綠兩般分斜日
在垂楊一半涼宵月挂闌干畔照庭榭瑤枝清泣銀雲澹
澹玉河明又飛起一行新雁

暗香

汪劍秋賦屬題其配心壺夫人梅邊待月圖

暮煙籠雪問幾人悄倚天寒時節袖擁薄紈瘦影黃昏兩清
絕涼夜朦朧院宇乍浮動幽香飄管最好是初起銀蟾輕露
映明滅琴歇夜香燕更步轉玉階畫欄三折凍雲淡抹金
管樓頭響吹徹推上瑤臺鏡朗林下珮珊珊來裏便夢向仙

苑裏綺衣翠拂

東坡引

瑤思凝翠簾窗紗綠煙斂隔牆吹過輕風冉一雙蝴蝶豔一
雙蝴蝶豔 闌干小倚輕羅扇掩芳意悶悶愁釀階前瞥見
嬌紅颺海棠花數點海棠花數點

滅蘭

夏日

脩梧葉靜抱石狸奴眠不醒捲上簾鉤火織紅張屋四頭
閒行小院護惜秋花頻手灌秋意微茫茫花已如人五尺長

齊天樂

梅花帳額

一痕香雪籠幽夢人眠玉梅花底栩栩蘊蘊等尋覓還隔
煙綃霞綺拳幃睡起正倦眼初擡靚妝爭麗錯認巡檐綠英
飛近兩蛾際 依稀林下舊影對啣啾翠羽前事猶記夜月

玲瓏春風嫵娜掃黛雲鬢開膩韶華又幾怎橫幅當窗繡鸞
僧倚清淺黃昏簾紋空映水

掃黛開宮額生僧帳
額繡孤鸞皆唐人句

高陽臺

落花

閉雨門深啼禽樹曉千紅萬紫都休一徑飛花捲簾人怕凝
眸東風管領渾無主使等閒輕擲芳柔亂飄零半委苔泥半
付溪流尋香蝴蝶醒魂晚省三春好處夢裏悠悠吹下枝
來可能重上枝不斷腸休唱秋娘曲滿園庭燕恨鶯愁掩高
樓逝水門前斜日牆頭

水龍吟

西湖漁火

紺霞蒼靄千重水明山暗湖天暝三潭月外四橋煙際一星
光冷繞岸風螢隔城燈火低昂交映乍微浪皺起垂垂的的
拋一串明珠瑩搖曳風前難定夜涼生老漁初醒模糊遠

語悠揚輕樂賦浦亂影斗轉參橫幽人未睡小樓還凭正楓
林對處鐘聲夜半度雙峰靜

齊天樂

盡角

西風萬馬連營立幽吹乍驚城隅

徐廣車服儀角出羌胡以驚中國之馬

度響

高峰飛聲遶水木落煙空山暮霜晨月午醒松寺棲烏苒波
眠鷺只怕梅花暗香零亂段橋路
悲涼南渡舊土故宮禾
黍恨淒怨如訴鳳舞江山麋遊苑沼笳鼓錢唐幾度關懷最
苦奈三弄鳴鳴亂雲荒浦韻答南屏晚鐘殘照古

浣谿紗

竹夫人

消受青奴伴午慵肌眉冰雪態玲瓏貯宜銀簫翠幃中
宛轉多情依客枕清涼入夢沁詩胸醒來簾外日痕紅

又

湯婆子

似鐵衾兒熨轉春荀
郎著意儘溫存
暖溶溶若戲波鱗
濃睡尙貪偎白曉
寒宵不怕近黃昏
彈鬟香撒一編雲

綺羅香

丙戌仲秋理安看桂

浦贖紅衣巖圍絳雪
引遍招提深逕
秋到山空花氣妙
香清淨飛片白雲
吐松顛滴濃翠
日篩嵐影叩禪扃
無隱心參廣長溪
舌助清聽
炊煙吹上百尺
知有人家嶺下
停車呼茗
燒葉林間醉裏
禽啼醒懷舊約
笠雨筇晴結
幽賞鼓晨鐘
暝正冷然萬象
澄泓月輪推樹頂

摸魚子

丙戌秋九兩溪看蘆花游交蘆庵

繞秦亭一彎澄碧
扁舟盪入深秀野
航載酒寬如屋
詩老畫師詞友
秋到九織萬頃
秋聲秋色蒼然
厚醪傾一斗
正醉裏
蒼騰無邊蕭瑟
涼雪壓篷首
愁來候吹絮
茫茫渡口呼之

今有人否霜痕月跡清寒處付與野僧溪叟鷗約負負當日

元真鼓柁心盟舊誅萌計就待舉葉諮禪交蘆證性結社小

庵右阮芸臺先生遊交蘆庵記內典塵根色爲交蘆謂諸緣未淨若交蘆然見楞嚴經庵額董香光書交爲菱失其

義矣寺僧梅嶼言其師太虛曾以交蘆對舉葉舉葉者得天張居士書報摩經義以各庵之室

瑣窗寒雨中送春

雨打春殘花隨水去小樓愁滿芳辰過盡一日不曾眉展記

年時柳花亂飛那回錯把東風怨到而今寂寞絮沈無影冷

煙都捲青徧江南岸但醉眼曹騰夢魂搖眩香泥徑冷誤

了尋巢雙燕想玉人目斷素書畫闌日凭衣帶緩待繡簾開

處歸來怕又斜陽晚

買陂塘

丁亥六月二十日借次白道暑靈隱游射旭玉乳諸洞夜泛湖上聞歌

尋紅曦萬峰深處旭光如綫全白松濤謾謾穿巖竇玉乳冷

泉鏗滴仙枕覓忽小夢華胥醒後鐘魚擊全湖夜黑有千點
亂螢數星漁火明滅艣枝側三更寂月上雙高峰脊鱗雲
低襯羅碧空明一片天沈水鏡裏似無波隔瓊宇憶便欲踏
琉璃步躡凌虛迹飛聲玉笛聽拍遍關山珠喉成串柳嘶曉
風急

疏影

丁亥十二月十九日雪後孤山探梅先詣蘇祠拜
坡公生日用白石翁原韻

雙峰凍玉向斷橋曉佇深處雲宿雪後梅痕淡粉輕朱含顰
俏映疎竹荒亭鶴去天寒甚孰管守枝南枝北剩一泓清淺
黃昏照見美人孤獨千載幽靈自在詞壇舊倡和同飲湖
綠一筍寒泉競拜詩仙花繞扶疎祠屋娟娟風露空山裏似
聽得醉翁絃曲想羽衣月下飛來吟寫冷香盈幅

水龍吟

戊子六月十五日雨後南屏泛月聽汪鶴筵京
及松光上人彈琴分韻得月字

朝朝虹雨魚雲好風吹盡人間鬱萬松深處蕩搖秋意盤鱗
舞鬣翻墨峰頭拖脂日腳畫圖凸凹到夜涼如水四山明翠
當頭有邀人月不礙輕羅似葉又何須筦絃吹徹娟娟露
冷山中高士一彈清絕豪氣幽情酒兵琴律笑吾都拙但鷗
邊夢落平沙淺水共長天濶

法曲獻仙音 己丑仲春阜亭看花晚歸遇雨

重暖輕寒媚煙翠雨釀得花魂嬌颯十里畦雲萬枝梨雪新
妝助圍穠豔憶殿腳隋隄上三千黛容占動遐念認當年
武陵溪路流一片波上亂紅萬點此境在人間怎迷離前度
漁纜撲面斜風莫怱怱游興消滅更衰青笠翠添與煙波渲
染

鶯啼序 廣陵感舊

隋隄萬絲細柳灑瀟瀟暮雨正愁客揚子江頭愁殺煙際呼
渡謾回首高樓故苑拖金裊翠鶯啼處到而今飛絮荒寒怨
鷓淩楚十里雷塘快馬畫槳是吹簫舊路曉風裏歌吹聲
銷玉樓塵暗牕戶贖當時梅邊舊月甚無賴宵來還吐冷清
清驚起飛鳥亂栖疎樹三生俊賞十載芳魂杜郎枉記取
記那日燭紅樽綠楊柳樓心明月橋頭淺斟低舞三班絃索
五更燈火平山堂下銷金地紀煙花第一誇南部纏腰跨鶴
仙津誤引漁郎酒醒恨迷前浦淒涼望極袞袞春潮湧黛
螺似故歎人世滄田岍谷俛仰興衰一片煙波幾重塵土參
軍賦手都陽詞筆黃昏清角吹夢冷對蒼茫斜日蕪城暮落
花時節江南金縷休歌斷魂最苦

揚州慢

題周澹巖泰邗江春泛圖用石帚韻

十里雷塘片帆春水卅年鴻跡鷗程渺長隄柳色似昔日青
青歎零落煙花臺苑舞衣歌板酒陣碁兵賸連天芳草淒迷
悲賦蕪城海桑夢醒憶劉郎前度猶驚况後賞樊川等春
去晚無那閒情彷彿竹西歌吹敲船背卻是潮聲聽聲聲潮
打空江明月愁生

探春

壬辰正月二十一日吳仲雲振棫招集小羅浮山館分韻得樵字

雪絮飄殘梅魂睡穩池塘初泮層凍春醖溫瓊瓊筵促坐消
散一襟寒重剛羽觴飛下又調笑卷波催送玲瓏散子巡拋
梨花傾盡香蠶爭說羅浮好夢有翠舞紅圍珊瑚嬌弄明
月當前玉簫何處如煞秦臺飛鳳不避千卮醉怕醉裏濃愁
添種關外斜陽者般駒影飛鞚

珍珠簾

壬辰三月初四寒食日西溪看梅展鴈樊榭先生蔡飲交蘆庵

煙波漁唱卷一

十三

冷煙淒雨遲春色，
澗梅魂過了清明寒食。
小艇度鸞環，對滿溪飛白。正好青郊攜麥飯，
酌杯酒當年幽宅。香國有真靈，來往橫斜花側。
花下佛屋三間，繞池塘幾匝。千枝壓碧呼起老詞仙，
醉羽觴。瑤席高士美人環珮，冷待編月黃昏尋覓，
相隔早東風薄暮催歸艣急。

卜算子

望惠山

岸到錫山平，水入吳鄉嫩。
野秀波明萬綠生，煙雨篷窗潤。
山似箇儂眉，螺子天然俊。
得見山如見箇儂，一夜蘿村近。

八聲甘州

後秋

正輕寒、薄暖，
袷衣時秋未去。人間甚黃花，
傲影烏衣作客清。
夢闌珊，蘆蒲楓江斜日，
冉冉到鷗邊。無限樓遲意，
紅葉青山。玉盃葡萄細酌，
愛雲深古逕，霜滿遙天。
勸龍車駐飲，悲賦

采蕭篇記春歸醉醜葵尾算者番心緒更淒然西風裏有征
鴻唳飛過樓前

聲聲慢

開九日吳仲雲招集小羅浮山館以疾不赴州
夢尚開九日飲郭東園韻柬之

更無風雨重把茱萸黃花開滿汀洲斜日東籬遲遲挽住深
秋龍山故人高會想參軍豪語科頭圖主客儘圍香座擁醉
月觴流 悶掩屏山獨坐奈酒無人送詩不成謳笑口稀逢
芳序易過難畱輸他與花同傲鬪吟篇醒我
交眸翦燈讀聽
松聲清繞畫樓

高陽臺

壬辰十二月二日饒吳仲雲集江小米靜寄東
軒登是亦樓眺湖上諸山殘雪

百尺開襟二霄倚檻小樓平覽江湖雪霽瑤天遠峰雲粉模
糊陰陰淡掃枯林外迴眉痕乍有還無恍相逢畫本王維潑
墨成圖 便思千里關山暮有驚飛塞雁拳宿城烏如此霜

寒銷魂卻聽驢駒離堂誦編江淹句想滿橋驢背人孤

席間讀仲

雲銜別詩入章

且今宵翦燭談詩賭酒傾壺

清平樂

壬辰十二月十五立春日喜晴

雲屏寒透如綫春痕漏快雪初晴剛五九滿院月明煙厚

綺窗消息綿綿東風纔到樓前踈孕一身花影看花已是明

年

又自冬初至春半雪雨不止二月十四日喜晴

團欒時候娥影當窗牖記得相逢遊其酒還是去年秋九

清光此夕雖多落英吹滿梅坡只有二分春色二分風雨銷

磨

望湘人

記深深曲巷小小畫樓滿庭春色難閉這驪勝常喚教並坐

衆裏不須迴避淡不禁愁穠還太冶神光難擬正畫屏斜指
雙星小扇輕羅天氣已分紅鸞笑倚奈相望平碧漢隔盈
盈水恨桃葉江空只少一彎橋翅流年又換好春都負怨入
啼鶯聲裏怕綠樹容易成陰遲了樊川雙柰

點絳脣

小秦淮感舊

明月虹橋當年猶記停橈處那堪洞湖衰草斜陽暮
兩兩三三疊鼓鳧車渡簫聲訴冷風淒雨涼戰菰蒲路

東風第一枝

詠盆梅紅白相間一株二色者

雪貌施朱桃腮傅粉濃妝淡抹兼占占月明繡羽交翻夢回翠
鈿碎點三花兩藥做弄出骨清姿豔傍短檐雙笑生春紫映
畫欄雕檻嫌太赤買脂露染僧太白舞霓雪暗綺窗比擬
衣容鏡鸞照窺未厭休吹橫竹教一夜江城風颭怕曉來零

亂妝臺懊惱黛蛾消滅

百字令

癸巳春暮揚雪椒比部慶珠自闕入都過杭同游雲林暮至湖上小飲

薊門煙雨憶訪君蘭省沈沈春酌病鶴雛從分袂早回首朔
雲如幕七度鴈蟬兩家霜露情緒年來惡相逢今又暮春風
景花落忙去軟踏東華西湖輕別也覺情懷薄冒雨聽泉
靈鷲下幽賞何妨蕤簪二十年中池塘夢冷萬事先行樂一

樽南浦酒邊魂黯征鐸

先兄同甫早逝與君至契

滿江紅

癸巳四月二十二日宿焦山遇雨翌日禱江神
倘晴當如白石生故事以平瀨滿江紅詞爲酬

俄頃而霽遂登絕頂賦此

橫颺濤飛送一葉扁舟海門小樓底和風和雨碎打雲根絃
管無人吹黑月江流擁夢入黃昏夢冷然呼起老仙靈傾玉
樽江妃笑升曉瞰山容展明黛痕更盪胸絕頂躡蘿攀

橫渡一繩峩，艚小銜枚萬馬落。潮奔又匆匆，蓬嶠引風還瓜步村。

摸魚子

題陳芝攝太守桐生鳳城仙夢圖太守昔年夢與一人同行又一人吹簫前導借行者日子賦簫中曲乎乃丹鳳城南尺五天也

譜霓裳大羅宮闕悠揚歌句心領劉郎莫恨蓬山遠身在鳳城高凭星漢耿紺金印銅符新拜元都命丹梯步影正明月澄霄碧闌十二飛上五雲頂簫聲靜那許人間得聽紅牆遮斷塵境秦臺萬里乘鸞去下界露濃煙暝君記省還只怕瓊樓高處天風冷瑤京太迥算最好游仙去天尺五夢向那時醒

徵招

廣陵東園探梅是日烈風不得久留

揚州何遜而今嬾花前頓闌詩興東閣問官梅捲暗塵芳徑

舊時明月景只月下玉簫聲靜豔想當年鏤瓊爲苑疊雲成
嶺 徙倚起悲歌東風惡闌干又還愁凭夢墮小羅浮悵紅
樓煙暝春痕無賴甚算俊賞杜郎難省待重到綠樹濃陰換
淺塘疎影

風入松

臨平歸棹

去時纔有一分春柳意但煙痕梅花遠驛無消息望江南芳
草微薰一夜輕雷隱隱三篙綠漲粼粼 歸來春色已平分
金裊萬絲勻梨花白雪桃花雨徧溪塍繡霧香塵好趁雨絲
風片待攜畫舫清樽

一痕沙

羅帳垂垂四面蕙漏沈沈三轉貪與說新詩又眠遲 人也
難拋鴛枕書也難拋蘭燼枕上覓新詩笑郎癡

員陂塘 西湖新製碧閣小艇

泛煙波畫圖添染扁舟吹葉輕盪平篷短柱瓜皮瘦低亞碧
闌雲樣詩意做擁一片湖雲湖水隨搖漾朝來暮往算繞郭
煙霞四時風月收拾此雙槳 人三兩小簞踈簾共颺嬉春
如坐天上琉璃滑笏飛輕羽穿遍柳汀花浪憑跌宕添青箬
窗兒細雨斜風障秋高夜朗向綠樹隄邊赤欄橋畔植路廣
寒想

又 沈鄭圃泊江上草堂

愛錢塘白沙江上柴門開向平楚茆堂不用泥垣綠籬竹四
圍花護青到戶花隙裏吳峰越岫排無數潮聲夜午更萬竈
霏煙半空撒雪豪氣海波煮 神仙侶嵇阮佳兒類父鳴泉
相和予汝雲林秘苑清河舫幽賞委懷練素開徑佇儘座上

論文讀畫樽常舉伊人在渚對芳樹橫塘寒江草閣縈夢水
雲漪

探春

和葉小庚中薄孤山探梅

飛雪羣山凍雲十里東皇忘了花事翠袖寒生青禽信杳冷
臥孤山高士薄暮倦憑欄怎禁得東風又起黃昏暗月啼鴉
愁遶古塘流水 潘鬢添霜鏡裏長是怕春遲春偏遲至載
酒朝情吹簫夜約時節又過燈市羯鼓喚春來春已剩三分
之二休負芳期鈿車翠鞍如綺

水龍吟

甲午二月十五日遊靈巖大風揚沙望太湖不
見不及探梅鄧尉

小橋流水平塘故鄉彷彿西溪路淺青麥信嫩黃柳色春痕
纔露斧劈枯峰鶴盤危磴倦移筇步問吳宮舊事香銷徑古
但芳草斜陽暮 風陣又吟狂虎障全湖滿空寒霧踈鐘塔

外亂鴉沙際落帆平楚勾夢梅花妬遊天氣興闌歸去更黃昏
昏淡月團團照影到秋娘渡

一萼紅

甲午初春余既和葉小庚孤山探梅詞旋有廣陵之遊仲春歸至湖上梅已殘矣用石帚韻再

之和

綠成陰點梅英如雪殘萼不堪簪千里歸遲二分春去涼夜
影瘦香沈破清夢參橫月落小樓外啼老翠衣禽孤嶼流紅
四橋凝碧已誤登臨滿目湖煙湖水有新來燕子掠到波
心寶馬花郊玉壺茆屋芳景何處堪尋早寒食清明近也綻
桃花如粉柳如金禁得東風又狂閉兩門深

南浦

送許七詵岑北上卽東溟生

春水欲波時又送君蒲帆十幅吹去樽酒憶西窗煙霞外長
共俊游清語西湖月朗軟紅須讓東華土杏花千樹知走馬

長安玉驄難駐 三春容易消除趁
婪尾遨頭豔節非暮客
裏怕閑愁等春去休
向子規啼處池塘夢好
消愁但和西堂
句夜牀共雨還說與
相思暮雲凝佇

金縷曲

爲魏滋伯謙升題紅袖拂塵圖寫宋魏仲先事

富貴浮雲耳算人生風塵慨
慷慨無知己贏得掃眉才人拜
婉變紅妝弟子抱俊賞
旗亭能記管領春風情
珍重勝英雄
附驥登龍喜奴輩
眼更何計君身豈福過
平先世想殷勤
添香鬪句翠浮閣底
滋伯所居自寫新詞吹簫和樓外
西山畫裏
共日暮幽篁相倚
白石小紅神仙侶
况千秋詩卷留天地
籠壁上等閑事

水龍吟

乙未初春過吳氏小滄浮山館梅花盛放有懷仲雲觀察在登萊

淵明未賦歸來故園冷落
寒香徑數枝雪豔一庭春
滿綺窗

人游明月黃昏美人空谷爲誰妍整伴池塘芳草林亭翠羽
頻搖曳橫斜影 曾記征人句贈仲雲出山時小羅浮夢魂
應省片時夢短江南天濶怕鶯催醒驛使難將吟朋不至東
風閒冷且相思一夜花情人意其闌干凭

緣意 頻婆果

瓊肌翠靨愛乍擎掌上蘭氣清衰碧玉情人春透雙渦綠鬟
低暈紅頰涼宵伴到頗黎枕已勾引夢香幽蝶况問各慣說
相思眼底亂愁重疊采蘭雜志梵云頻婆華言
相思也夜置枕邊有香氣還憶燈前
酒後玉纖細擘處風韻雙絕豔鬪櫻唇勝天王經佛相唇
色潤澤如頻婆果芳
沁蘭胸解得文園消渴封題珍重貽頰鯉又懶寫來禽書帖
怕玉顏容易銷磨獨對一樽心結

桂枝香 新栗

湖山秋到正十里豔香風動金粟千樹如拳碩果未霜先熟

蒼蓬不怕針如蝟愛并刀剖開黃玉千樹栗見史記放翁句
霜栗大如拳又蝟刺坑

蓬新果熟文同詩蒼蓬莢藜
大張兩詩黃玉穰分紫殼開沁脾參鼻木樨無隱者般清馥

更煮葉林間雪沃配菱角脂紅艾頭珠綠送飽茶前酒後

半甌清足杭人稱曰桂花栗
子炊熟亦甚香美休文老去忘書卷用沈約
疏栗事但流

連風味茅屋露宵還聽山童笑語徐竿爭撲

暗香丙申正月十七日超山觀
十株七八百年物也坐酌
梅報慈寺側有古梅數
花下暮歸宿湖墅

大河橫碧算幾番誤了等春遊楸路轉玉溪空谷踈煙萬重

白千歲仙人貌古久忘卻山中中年歷但照眼黛骨虬客雲島

臥枯石香泔翠尊滴愛坐擁樹間醉散花側藥珠夢迹身

化青禽繞林覓尋問滄桑舊事當日有瓊妃曾識奈去棹風

又引幾時夢得

疏影

丙申正月十八日自湖墅借陸循鼎丈帝恩錢六秋餽延薰蓋扁舟入西溪遲錢小謝延張羅秋士

錢夏松如之盛草次白補王安伯素探梅靈竺交蘆二庵暮宿次白谿上草堂

橫塘萬玉引釣航宛轉看遍溪曲水市村橋鷗鷺相呼菰蔬
渚路遊熟芒屨踏到雲深處喚臥雪幽人空谷但數枝竹外
橫斜罨畫一灣寒綠還恨秦亭舊樹疎香十八里都付燕
斲補插春痕小小柔柔須要東風羈束同人新補梅二百株
小花初著須更培護
添植以吟情莫被閑愁紉且酌盡尊前醞醪縱短蓬月上黃
昏花下草堂堪宿

柳梢青

丙申三月十一日出武林放權苕溪

春滿江南節過寒食短棹橫塘萬樹桃花幾灣流水一片斜
陽心情分付垂楊教繫住東風莫狂燕子不來鶯兒無語
人倚昏黃

唐多令

十四日過武林過臯亭山落花以昨夜風雨全落矣悵賦此解

一夜雨沉沉
飛花滿曲澗
倚孤篷
醉淺愁深
小艇重來能幾
日
春去也
緣成陰
往事悔而今
仙源何處尋
裊垂楊啼老
幽禽浪說東風能解意
吹不轉少年心

金縷曲

題程雪門奉元買春賞雨圖

一片春陰膩滿江城
霧桃煙柳小樓人起
無那幽懷芳草遠
深巷聲敲屐齒
佳約向杏花帘指
對此詩情真不淺
夜沉沉
拍遍紅牙字
茅屋下翠樽底
富春江上前游記
記篷窗冷吟閒
醉雨斜風細
村釀三升魚尺半
鴈詠清音勝
致在青嶂白雲窩裏
又是幾番波
綠也並裝盟
那負扁舟計
對圖畫夢
煙水

又

梅雨以梅子黃時雨為題詞

梅子黃時雨。晝愔愔、粉雲颺水。綠陰吹霧，盡日冥迷，窗兒黑。
煙鎖朱櫳繡戶，弄暝色。江城催暮，人意天容俱沈醉，做千絲
萬縷愁腸注。停又起，那能住。鳩邊幾處，村鋤舉灑，芳田刈
歌送曲，笠搖蓑舞。悶掩山樓雙篋，扇清夜空階，獨數銷不透。
熏爐香炷涼簟如波，燈如豆，聽深江五月寒濤怒。眠未穩，甚
情緒。

又白菊

盡洗秋容，絢步東籬，無言淡絕。是幽人面，玉露珠霜，添薄暈。
冷豔明妝，璀璨渾不覺，露痕霜片。還怕紛紛涼月，裏徑三重
難覓。芳魂倩粉牆角，暗搖顛。蛾眉試掃，風姿擅捲簾時，織
纖手插鬢鴉。全現姹紫嬌黃，盈晚圃。誰是素心儔，伴算只有
幽蘭同眷。恰對白衣來送酒，醉花陰似向瑤臺見。花不語，倚

庭院

疏影

朱蓼

疎花豔簇借水國好秋移貯蘿屋籬角風前颭紫搖紅珊珊
總掛千粟謝娘林下嬌顏色綴穠麗數行釵玉閃步搖豔豔
亭亭瘦倚暮雲修竹 休說香零粉碎畫船艤棹處吹淡蛾
綠怎似媯姿碎珮珮明璫消得臙脂盈斛斜陽過後牆陰白認
點露生綃橫幅怕夜闌踏澹霜容更試照妝銀燭

摸魚子

題魏滋伯花灘漁唱圖

問當年馬塍花事而今香霧多少煙汀月溼清寒處剩有幾
竿漁釣紅半道借畫裏西山一片斜陽照幽棲徑掃網葭水
伊人柴門小艇逸唱寫秋渺 憑孤嘯屋外螺屏翠窈白蘋
烏柏紅蓼仙心欲拂珊瑚樹貯滿錦囊新稿歌韻繞更綽板

吹簫添箇樵青小
陽鷗夢好算衰筇
生涯菰蒲家舍吟鬢儘
堪老

滿江紅

鹽官城觀湖

閃閃靈蛇剛一綫
海門橫掣捲到萬軍千騎陣雲戈雪湧
現飛來峰縹緲倒迴東去瀾層疊看長風快馬逐銀流輕帆
葉 歎嘉醴神裾臂敲靈鼓波聲咽渺滄桑今古水滸生滅
百尺鱗塘安海甸千年龍采銷吳越聽平湍漉澗向樟亭秋
寥泚

齊天樂

題方雲泉隄鴛湖舊夢圖次滋伯韻

翠樓兩度闌干倚如梭過帆飛動載酒人稀爭春意遠湖水
湖雲涼凍吟肩瘦聳渺十里菱香采菱誰共匝岸疏簾綠陰
深際曉寒重 扁舟詞客畫裏小紅嬌按板簫韻低送墜雨

前塵垂楊舊路殘月啼鴉閒空癡愁漫擁歎煙艣微茫更迷
殘夢訴與秋絃淺斟聽慢攏

鵲橋仙

畫船雙槳畫簾雙押蘇小墳前尋遍滿湖春色兩峰愁都付
與等閒鶯燕綠波萬疊綠楊萬縷搖漾夢魂頻轉東風怎
不管盈盈忍看到萍飄絮捲

惜餘春慢

齋前新植芍藥盛開詞以辭之

綠鎖園林紅銷風雨蝶夢蜂心誰管一叢深色豔豔盈盈作
意殿春穠遠笑倚東風豔調醉粉霞酣泊鬢雲翦更殷勤翠
袖盤玉擎玉勸傾吟殘念幾度隨苑燕素韶華輕負一笑
馬蹄何懶芳容老團扇深杯潒勝帶金圍結好句翻階恨
無閒冷花魂夕陽庭院趁清陰初夏高燒銀燭繡簾倚捲

菩薩蠻 題便面簪茉莉美人

晚涼亭子雲鬟整一枝搖颺嫋嫋影生怕溼巡檐春纖幾度
拈倦來濃睡甚橫壓玻璃枕綉帳澹如煙幽香度夢邊

玲瓏玉

玉玲瓏石宜和花綉石也

國初沈氏自靈隱

沈蓮叔部轉拱辰
所得招同人賦之

遺曠宣和互千載一片雲停滄桑變換翠巒依舊瓏玲歎息

椒萋杏岫

皆良嶽
解各

付秋風禾黍涼月棹荆亭亭窺芙蓉深擁

畫屏

况是休文故物記移來蓬島吟遍松楸幾度平泉繪

田居閣外浮青還君淵明三徑和新句銅絃鐵笛補記東城

正朱夏撫苔痕粲瓊醉傾

蕪蕪園居此以石名其閣竹垞詞
玉玲瓏閣前松石經過朱夏曾撫

八聲甘州

得許玉年菴煌來書并示近詩賦此寄答

正悽然萬綠漲西冷春歸餞花天又迢迢吹下千山雁使一

紙魚牋相憶銀鈎珠字撲手好詩篇如話西窗夜細雨燈前

橫槊鳴絃意緒說玉關雪踏葱嶺烽傳

書中述從軍時詩最夥

曉凌

鶻鶴羽那得伴鷗邊待招來故山花下怕舊香疎樹已堪憐

詩有招鶴篇書中問孤山花事

天涯望渺雙峰外芳草寒煙

又玉年及於致堯傷懷感賦次前調

憶去年今日雁飛來書傳玉門關說賦詩橫槊天山點筆雪
嶺騰鞍報道歸期近也夢繞舊家山腸斷遠東鶴怨羽飛還
記得鷗盟鷺約指兩峰南北結屋三間逸黃壚前度一誤
是彈冠恨茫茫楓青塞黑拂龍鍾雙袖淚難乾傷心處補梅
亭下花也闌珊

金縷曲

宋朱鏡湖山春曉畫卷

豔冶春山曉照初
廠銜脂粉翠水明眸
窈平樹高樓簾盡捲

溪上梅花競笑有玉笛悠揚林杪一隊柳陰漁艇出鷺鷥羣
飛上青天小鳴樂去黛波杳銷金勝事懷炎紹想當時朱
簾白舫舞酣歌繞藝苑丹青遺粉本巖壑依然舊稿只剩有
荒煙殘照踏徧六橋雙嶺路莫思量幾度更啼鳥今日且翠
樽倒

又元趙千里三山名勝畫卷

東去江千疊鎖長流吳頭楚尾有三峰接半壁天分南北限
今古曾流戰血似雪浪珠溫生滅惟有青山容是舊度昏朝
帆影如飛葉歌往事唾壺缺幾番悔擊中流楫好江山早
歸山去老坡曾說最憶焦廬高凭處檻外天深水闊春枕畔
寒濤衝月樓閣參差雲縹緲海漫漫夢到蓬萊闕圖畫裏素
心結

又明仇貴父漢宮春曉畫卷

日影寒鴉轉正瞳瞳千門萬戶畫簾齊捲一段春慵難載起
羅襪凌波又懶更撒地香絲雲軟翠匝鬢脣珠壓被鬪眉痕
邢尹量深淺明鏡裏並回面龍絲鳳管誰庭院儘無聊敲
碁弄杼暗愁消遣昨夜玲瓏檐外月露濕銅鋪玉殿有斜抱
雲和深見拂檻花風欄怕倚牡丹時容易春光晚情脈脈寄
純扇

又憚南田風煙夕翠畫卷

一逕寒雲綠打幽窗稍梢葉葉長絃敲玉山客一甌醒夢後
月舞風吟滿屋搖翠縷茶煙輕蹙黃葉堆門常不掃儘科頭
箕坐清溪蘆簣酒飲楚騷讀故園亦有南山竹遶龍峰飛
流曲篔倚天喬木攜箇松龕藤杖去千畝琅玕手斲憑指點

蓬頭銀鹿阮嘯稀彈林密處鎮相忘林外紅塵撲誰伴我釣
庵築

鳳皇臺上憶吹簫

題黃觀城帝女花傳奇記明長平公主事

閨苑桃花瑤池桂子剛風吹墮穠芳歎藥珠身世劫換紅羊
冷澹團蒲日色夢不到鴉影照陽君恩重膠鸞合鏡填鵲
成梁心傷斷魂剩縷憔悴倚秦臺明月如霜悵碧簫聲斷
紫玉煙颺千古奇緣薄命搔首問無語茫茫詞人筆歌笑度
來散滿天香

煙波漁唱卷二

錢耜 張應昌 仲甫

減蘭

題葉小真所編本事詞

小星行露三百篇中多怨詠窈窕綢繆譜入銀笙韻更幽

香奩集亞絕勝楓江漁父話黃絹烏絲合寫丁香豈惹詞

徐鉉

詞苑叢談內紀事一門亦采敘本事鉉號楓江漁父

如夢令

雨後殘花以瓶供之

花事幾番燐燄零亂雨餘春後欄角一分春小豔疏紅消瘦
消瘦消瘦移入畫屏吟牖

一剪梅

珠琲垂肩翠滿頭雲想仙髮波想明眸箏絃清脆笛聲柔燕
樣身材鶯樣詠喉綠酒紅燈敵畫樓唱慣涼州舞慣伊州

宜嗔宜喜亦宜愁吟也風流醉也風流

西江月

渡揚子江

擊楫當年祖逖棲雲此日焦先如棹帆出晴烟來去沙鷗
一片江上青山未改人間滄海難填津頭撲面柳飛綿愁
殺渡江人見

梅花引

過廣陵包包山小園

小橋平小山青小小闌干小小庭忒瓏玲忒瓏玲幽徑曲房
高高下下行栖雲豈必千間屋聽風豈必千竿竹賦蘭成
賦蘭成添箇綠鬟小樓調玉笙

無夢令

楓江雨中

篷背三拋鼓碎水面千絲珠綴柔櫓過樨橋撲面雨斜風細
雨斜風細畫入箇儂蘆榭

浪淘沙爲周鼎巖題鐵士先生秋水堂圖

圖畫補滄洲詩卷長留海懷霞想託閒鷗一晦方塘秋水潤
閱盡歡愁萬事付悠悠蝴蝶莊周舊時明月庾公樓讀罷
南華風露冷孤鶴來游

小重山舟過惠山不得遊悵然賦此

疎樹空烟起暮山零星村墟白出林間小溪深處路彎環征
棹急遊興阻吟鞍春色淡螺鬟黛眉猶未展意閑閑梅花
消息滯江關風又起孤驛一燈寒

壺中天

歲圓同人集吳山前紫道院和滋伯

朔風吹雁甚蕭寒凝得羣峰都瘦望到春回看已近圖卷纔
過三九雪意模糊雲陰做弄零盡枯蒲柳拳鷹如雀抱枝低
傍簷牖漫道歲晚能閒塵喧不問清福真消愛須念人生

行樂耳萬事消除樽酒眼底江山壺中日月勝侶聯襟袖碧
天笙鶴舊時樓榭存否

昭君怨

西溪村居梨花盛開

愛此竹籬茅舍勝彼玉堂瓊榭疎雪漾晴烟翠松間
短短
檐兒撐架短短牆兒變
亞孤夢暗香來板屐開

大聖樂

病中和何人兩湖餞春次卓窗東園餞春韻

橫翠橋牙瘦紅牆角半湖烟樹看兩峰雲意愔愔乍暖又寒
吹落幾絲微雨二十四番花風過但芳草平波迷綠浦歡遊
倦想人倚盡欄歌斷金縷
蜂狂蝶狂未苦算愁到啼鴉誰
共語歎帶圍寬盡韶光孤負濃陰如許一霎玉驄香車香臘
楊柳深深垂院宇無聊甚更雙燕穿簾聲絮

祝英臺近

乙巳五月望日荷南屏聽松堂聽雨

水痕寬風力重煙艫盪柔語芳草連天紅暗綠如許招手獨
秀峰前萬松屏裏結鷗夢清澗巖鳴 又飛雨盼得明月重
圓雲陰更遮任待欲吹開誰把管絃訴只有五夜寒鐘數聲
啼鳥說蕭寺小樓情緒

摸魚子

嘉慶庚辰冬余與同人修復孤山祠宇補梅花

浙西手題祠榜亭側有泉一羽許玉年名之曰梅花泉亦手書刻石今將世載矣鶴去花殘亭圯而玉年宦游早逝少翁追成初遠感慨係之道光丙午錢唐甘小蒼色侯鴻儒議重葺補梅起亭繪圖徵題再廣

湖前

記荒祠補楝招鶴寒泉親酌芳瓊仙官領袖羣賢集我亦屢
陪高讌閒過遣悵人去花殘三十年華換羅浮夢短臙亭外
雀樽門前榜字閑映水清淺 今重見春滿河陽一縣湖山
圖畫新展林塘數百橫斜樹都是召棠栽遍枝莫剪念小蕊

疎葩憑仗東君管烟波意遠待書寄林家魂招許子惆悵和
陰卷

惜餘春慢

廣陵包氏林園看芍藥

翠幕藏鶯珠簾卷燕十二畫欄香遶三間綺榻半畝平臺穠
韶露華晴曉豔影當階自翻紫蛇紅媽玉團金鼎吉祥雲想
現衣裳可有帶圍靈兆 還記省畫舫當年紅橋樂事祠畔
殿春花好吹簫月冷載酒人稀付與蔓榛衰草陶徑猶存未
荒水竹玲瓏烟篴羅纒恨良辰羈客匆匆歸也醉觴緣少

臨江仙

夏日早起

嘯鳥喚醒幽夢微雲斜抹遙天滿襟朝爽倚樓軒風來高柳
上涼透小窗間 何處妙香吹沁中庭花吐盆蘭紅塵飛不
到檐前穿簾幾宿蛭到枕一聲蟬

沁園春

秋蟲自蟋蟀而微小鳴若金鈴極清脆吳人謂之金鈴子蓋卽袁宏道促織志所謂金鐘兒也

貌瘦於蛩身小於蠅細吟韻幽似敲詩急鉢鈴圓箇箇搖花

碎珮玉戛瀏瀏巧製金籠晶圍金屋

吳人製六面玻璃小盆彩繪其中貯之

小隔

夕防饑飯顆投宵眠伴警鐘兒枕上疎夢清悠

淡霜濃露

還愁怕容易忽息度九秋記商飈動樹承葉上

是蟲喜躍栖花草葉

上人於葉上取之

涼音和雨聽徹樓頭比蝠羞明

袁志見暗則鳴遇明則止如蟬

避雪脆羽寒欺怎久留

不能過冬

重悽惋縱紅闌愛惜幻影萍浮

浣溪紗

好夢偏教午夜醒好花易逐曉風零尋痕抱影意恹惺千

里漢陽芳草長三生杜牧綠陰成惜春無奈是多情

齊天樂

冬日游惠山坐桐雲樓試第二泉

蕭蕭木落龍山路烟籠睡鬢螺淺泉冷亭空松清石古寂寞

寒林冬爨茶烟細捲試龍井春芽腋間風滿企想當年竹爐

禪舍韻清遠天意詩畫數卷紀卷阿唱和賢相羣彥寺藏明僧

性海所製竹爐其王孟瑞諸公竹爐圖卷久燬命皇六子及宏許董誥各補圖詠

聖製補圖賦詩並并補錄前人題山水光華星雲爛熳勝事昇平堪羨圖書在

眼便荒榭蕪垣碎鋪落蘚小憩樓臺亂飛楓樹晚

又奇暢園

入門盈晦池塘闊悠然便同濠上有知徑轉平橋軒臨淺渚

山色谿光兼兩節菁軒額朝來氣爽愛迎面雲峰畫圖屏

障邱壑天成匠心何用費摹倣絲綸王謝世掌認名園淶

水曾寄閒暢喬木蒼烟虛臺淡月也冷烏衣門巷圖爲明僧

公金所期其後屢易主萍蹤暫訪待銷夏嬉春更尋幽賞竹

昔秦氏子孫未嘗易姓裏梅間嘯吟披翠幌

減蘭

霜風淒緊客似林鴉寒抱影倒盡芳樽冷在心兒酒不溫
鬢絲如雪歲歲關河輕賦別白舫朱樓一樣相憐病與愁

采桑子

丙午正月二十三日汎舟南屏

平湖曉鏡琉璃碧一片春空烟水濛濛紅日初升九曜峰
南屏香散心聞妙清憂疎鐘薄暮東風吹動梅花怨玉龍

洞仙歌

丁未二月九日武林放棹

重來幾日更桃溪紅徧小雨輕風到春半望雪穠李徑金散
蔬畦繁映處淡粉輕朱意遠雲陰吹漠漠白水青山雨後
偏醒畫圖眼正亂鶯飛起新燕歸來催短棹又別蘇公隄畔
果避得人閒任仙源算洞口漁郎未應船轉

山花子

自武林至苕溪道中

兩岸緋桃夾翠流花爲四壁擁扁舟送我春風程五九武林
頭閒讀金荃吟麗句細斟綠蟻馥清愁寂寞元真西塞路
思悠悠

曲遊春

塘橋觀水嬉用草窗韻

簫鼓塘樓路競綵船遊女鈿翠如織水面樓臺轉秋千幾隊
渚邊林隙笑語蓬窗隔更柳外倚闌聽笛蕩短檣舞鳳飛龍
龍飛鳳舞
旗幟題字圍徧畫橋春色綺陌蘅蕪雲碧鬧村社迎神金
蓋珠勒不見驚鴻但芳洲草滿綠波烟幕時節過寒食正客
舫孤燈清寂卻憶羅襪盈盈待拋怎得

望湘人

題閩文山畫洛神

認鷺鴻照鬢迴雪動裾者般波際微步秀項修眉明眸皓腕
豈是高唐神女淥水紅芙蓉霞丹日翱翔仙滄想畫工身入

蘅皋不讓陳思賦 拈得明珠翠羽待揚袿
解珮託微波 去怕離合神光掩涕莫通誠
素春風省識目搖心眩驀地飛 見延伫
况當日飛驅雲車怎不魂銷交甫

朝中措

淡霜斜日角聲殘 獨自倚危闌
鴉點寒林 亂葉雲痕 晚浦遙山
相思遠道 蘆花瑟瑟 鷗夢閑閑
欲寫臨風一曲 塵昏箏雁誰彈

解連環

宿穹窿山與道人話舊

十年過也 悵重來 正是翠陰初夏
蕩一片香水溪流綠 遍湖山亂紅都謝
四繞烟嵐 搖麥秀 晚風吹野 被山靈
諄我扶筇 躑躅已衰 腰勝 燈船酒杯
笑把歎霜華滿鬢 鶴遊重話 念故侶
雲暮江東 對妙墨 窗前小屏圖畫
雁影關河 更那得洞

庭飛下寄相思，豪竹清絲醉歌聊且。

鶯啼序

遊木瀆錢氏二園及靈巖山館

西山故宮豔冶繞，香谿帶水占。郁落而水依山，靚妝螺黛環。
巖最幽處，陶廬謝聖池臺，結盡雲嵐。致算頻番，蘭漿復與未。
厭遊思，雁齒東西，畫舫載酒競遺。鈿拾翠，愛春晚，巖下樓。

前綠疇吹秀無際，只當時梅邊月笑。膩金粉，簾櫳瓊綺，卻輸

他蕪圃，疏畦自饒風味。

錢氏東西二園，端園有眺農樓，覽靈岩山下綠野爲勝，而幽淡古樸則蕪

逕潛園更有小山，留人之意。

平泉舍館故老林，邱壘峰俯澗底看。繚繞

借山爲屋，芳樹高臺瘦石，清泉手驅心使，羣巒烟雨五湖風。

月天然圖畫都收，拾對書牀鏡檻，閒安置。

靈巖山館秋帆制，府所築四山綠壘。

一覽吳曠，飛廊響屐吳王苑，裏遺蹤料應古韻堪比。

凭高

感歎船壑親題，凝浣紗共柵。

秋帆先生自題齋額曰書畫堂，整又書聯有幽花會識浣紗人。

之一 雲裏仙人萼綠才子蘭成化鶴空歸繞烏誰止先生夫
芬其父夢神昇綠衣女子而生李雨村講元跋先生悼亡詩
有曾聞萼綠降羊權向其後先生亦卒於官身後家園藉波
山館歸 重開蔣逕追懷金谷門楣依舊車馬改讓田翁贏得

桃源計送春時節登臨花落鶯飛淚鴈怨起

金縷曲

劉燕庭方伯以所藏唐小忽雷徵詠用稼軒琵琶詞韻 桂未谷先生記云韓晉公入蜀伐獼

製大 小忽雷 二進獻文宗朝內人鄭中丞善小者以
匙頭脫送崇仁坊南趙家修治中丞以忤旨送於
河權相蓄吏梁厚本在別墅垂釣援而妻焉因言忽
雷在南海家取以歸花下酒酣彈數曲有黃門牆外
編聽曰此鄭中丞琵琶也遂上聽上宣召教厚本
罪兵亂後小忽雷不知所在康熙辛未孔芹堂得之
燕市龍首鳳臆額下有小忽雷篆書做銀字項有臣
硯手製恭獻建中辛酉春正書十 字木似于闐紫
玉開元宦者白秀正使蜀獻雙鳳琵琶以逆選慨為
槽此亦迹選也忽雷本馬上樂又名二絃琵琶
按記所述鄭中丞事
本假安節樂府雜錄

銀柱黃金撥記梨園玉妃弟子羽衣彈月天寶建中年華換

西蜀良材更發雙鳳尾輕籠胸雪

東坡詞願作龍香雙鳳尾輕籠長在環兜白雪胸

妙手崑崙仙娥鄭竟潯陽塞北同淪沒萍絮感借絃說

紅

羊劫後知音絕想當時春雷繞殿

魏殿雷

翠飛眉曉略略星

星么禽語

香山有聽琵琶妓彈略略詩元微之琵琶詩甘州破裏張星

怨雨悲風吟徹幾

暗逐銅駝塵滅千載檀槽龍香在又桃花扇底歌雲歇摩篆

古思去幽咽

喝火令新柳

西子添眉黛東風展畫圖萬條新綠罩明湖最好二分春色
鶯喚燕來初漢殿當年珮章臺昔日姝淡翠濃笑態何如
搖得烟疎搖得雨絲疎搖得夕陽明月滿地影兒疎

臨江仙竹溪歸棹

萬綠陰中青一抹遠山橫到谿前采茶時節浴蠶天翠雲柔

亂銀鐙夜聽枝畔末友鶯吟墮啼珠溼帕

一痕沙

疎雨夢回衾薄剔醒銀缸紅萼
愁緒上心窩五更鐘
往事
水流花謝老去絲陶竹寫怎得
縮春光問垂楊

蘭陵王

苦雨用竹屋春雨詞韻

滿池閣翻墨雲垂大幕燈簷外
銀竹萬行霧縠風絲捲晶箔
高樓夢驚覺三徑寒烟鎖卻屏幃掩人靜漏長觸耳雞鳴感
離索
青山幾番約恨鵲語無靈鶯老非昨松濤巖瀨還噴
薄望拍城湖水漲湖江岸雙峰隱現露半角對人意寂寞
紛駁亂愁作聽鶉苦鴻哀有酒慵酌天涯滿眼風波惡怕棹
舉千里去帆難落沈沈雙鯉浪萬疊信誤託

相見歡

斷霞魚尾紅痕近黃昏又是蘭燈初上酒初溫空階雨麗
譙鼓最銷魂且向醉中尋夢到仙都

百字令

怡園賞桂卽以軒額四字爲起句

兩香晴綺憶幾番花下觴飛驗席庭院深溪喬木古欄外翠
陰交羃濃露瑤臺廣寒金粟占得羣芳國春鎧秋月畫堂傾
盡樽碧花老依舊山馨花前儔侶雙鬢都非昔美景良辰
難得事况對西風斜日倚石流連天香吹下慙亂飄襟憤酒
邊敲玉慢歌還和清笛

喜遷鶯

秋夜聞雁次康伯可韻卽從其體

遠音淒勁聽浦雁叫哀水天如鏡波闊三湘雲橫千里相喚
野塘成陣那處沙平渚淺舊夢蘆花難省共明月做南飛鳥
鵲無枝棲影烟江吳楚暝驚憶塞門慘慘酸風冷絃澀停

揮書來怕拆愁絕故鄉秋盡怎得春來寒谷鋪滿稻梁千頃
小樓底更錦箏寫怨斷魂霜信

點絳脣

霜滿吳天夢教枝上烏啼醒月窗寒影喚起愁來猛 千里
悲秋難轉陽春景西風勁五湖烟艇一片斜陽冷

燭影搖紅

魏塘李敬齋劍屬題其配趙靜莊女士秋榮
小影女士上詩敬齋客游以圖隨行

短短書檠夜窗偏照離人眼一枝梧葉幾叢蕉
外秋聲捲

羈土萍遊意懶更遙憐紅闌向晚翠樓剛下靜掩屏幃悶攤

詩卷客裏情懷酒旗歌扇能排遣妾心移得在君心

用宋人句

纔識愁千萬幽緒寫圖贈遠兩眉聲旅帷恍見盼君歸蚤笑

酌缸花鬪吟雙瓊

絳都春

薛濤箋

魚臧乍展恍照眼靚妝桃花人面細染露華潭水情深燕支
灑佳人濯錦輕霞卷自描取芙蓉嬌倩未拈青鏤瑤思豔想
已堆春怨 題逼妝樓秀句待銜去付囑芳林雙燕懊惱故
人把向春風無從見生來薄命秋統扇怕容易韶顏更換休
教落盡深紅恨紫倚遠

變薛濤妝樓
見漢州志

憶舊遊 客言武林江姬事

記妝成綽約盃捧殷勤鬢子雲鬆遮面檀槽撥照羅裙血色
瑣綠燈紅寸香暗燒心字解佩漢臯東喜招引青禽安非金
屋屏展芙蓉 重逢畫堂畔似舊燕歸來凝睇簾櫳綠葉非
青子化翩躚翠羽飛上春叢怨煞浣紗同伴搔首問東風有
幾點楊花輕盈吹到茵繡中

疎影

同人集澹巖冬前書屋賞粉餼小地北上

幽香斗室正半開
剪小紅逗春色
玉琢花蕤疎影安排
枝枝畫意橫側
美人金屋真修到
伴高士池堂秋碧
看滿船載得春歸
譜就喜神奇逸
最好園林雪鬢羽
觴醉月下花照瓊

席爭奈河橋楊柳依
依催送青衫征客
西湖千樹輕拋也漫

寄與一枝寒驛待
剪燭重話檐前
又聽幾番橫笛

書屋爲秋水池堂旁

舍邊岩善供花又得吳淞益梅
佳種仿味人喜神譜寫圖之

天香

熏爐

硃點圓斑網絲罩面
芸齋煖護香繞
獸火溫埋龍涎細
蕤不放篆烟輕裊
試籠翠袖剛掌拓
瓊田柔小心字羅衣
熨透波紋繡衾
畏悄吾家冶人製
巧手卷然紫磨瑩
皎伴我硯池書幌
自娛偏好幾度摩挲
抄未了忘去雪案
三冬夜寒攪愛共

金篝濃薰到曉

余得嘉興張鳴岐爐具所蓄六朝姓氏張
字現及張氏泉印等並置几案皆吾家物也

水龍吟

南天竹

可從天竺移來寶階行樹珊瑚綴丹成粒粒珠圓顆顆歲寒
佳致點染清華定蕊珠玉潤松蟠翠更研朱入畫黃梅綠條
參差寫新年瑞還記迎梅雨細吐微花粉爾疎碎爲防雀
啁綿兜鈴護小庭幽砌看到垂垂天寒日暮流年如水怕相
思暗惹朝來袖薄誤佳人倚一名南天竺

摸魚兒

蔗

飽炎州露濃烟重芳林森峙千頃青皮滑比猗猗竹未許紫
鞭相竝曾記省記前度看他高宴櫻桃領春風夢醒算熱惱
全消清涼自在何用玉漿冷重惆悵老去休談此境憑伊
閒倚竿影盤根繚繞還多節那得含飴佳興嗟暮景笑缺齒

伶俜孤負儲霜瑩春盤漫整且樂聖銜孟朝醒莫解也占醉

鄉永

呂渭詩紫葢節如鞭王周詩葦竿閉倚碧南方草木狀葢可消酒漢郊祀歌秦尊栢漿折朝麗

齊天樂

詞

翠樓疎柳斜陽外啞啞數聲魂黯野水淪漣山城睥睨寒影
聯翩雲慘枯林亂點便許借枝栖尙愁風颭遠樹驚飛玉顏
還羨背光閃深閨占驗未準怪江南塞北上何事欣厭歸
夢方濃征人乍起相和雜聲茆店顰眉恨歛對白頭霜容鬢
絲羞染古木長江畫圖看又掩

廣雅古有鴉經占吉凶南人喜鵲惡鴉北人反之元人有

古木寒鴉長江萬鴉圖詩

桂枝香

詞

沙田萬斛似月孕蚌胎霜護蟹殼還見銀稜絜瓦粉垣妝屋
年年挂席東甌客駕腥風滿船爭掬曉聲村擔夜壚市火酒

旗高矗 泛臘醲 鵝黃蟻綠愛香擘 青房鮮映紅玉羹 味江

珧車蛤配伊魁陸三絨似解金人愼 怎糝糊難辨眉目獻嘲

應悔何公厨下宴單編錄嶺表錄異穀稜如瓦壠名瓦壠子一名瓦屋子魁陸蚶也見爾雅注

南史何允疑食蚶蚶門人議曰眉目內闕慙混沌池之奇獷故外綴非金人之愼故宜長充庖厨永爲口實唐韋巨源有燒

食單

天香 旃檀香

沈水燃犀降真引鶴旃林更占殊勝 片片瓊霏星星塵碾歎

火試溫金鼎篆雲護繞聞妙處心清乍領香案莊嚴佛喜禪

房坐參人定 龍涎弱煤盡屏綺羅情便教刪淨似散曼陀

羅藻寶池蓮境不用塗身灌頂早熱惱蠲除夢都醒薰炷銷

淺籠燈夜永香譜降真香燒之引鶴降華嚴經以白旃檀塗身除一切煩惱得清涼

水龍吟 茗花

妙聞秋圃幽香便如芳啜春風座繁枝細蕊雪飛銀霞露含
珠顚清沁詩脾靜參禪意拈來織朵滿青山秀色一叢開徧
剛疏雨重陽過未試松爐槐火醒枯腸悶愁先破膽瓶折
貯睡餘醉裏高齋閒課試嚼花鬚新芽一粟葉間藏果待清
明近也輕甌綠乳看旗槍斂韻廣句尙有幽花霽雪初又細
藏草花譜茗花瓶
之膏齋清供佳品

摸魚子齋

又經過苦茶時候辛盤回味甘美陵霜綠遍千畦葉薄采滿
襜蔥翠羹泛旨是坡老曾誇天祿幽人賜山居笑侈伴赤米
晶鹽晚菘早韭清脆嚼宮徵鬼時記連臂嬌歌蹋地花開
啐啐牆際而今禪榻安鑑鉢老去護生還喜離思起認遠樹
天涯人在江雲裏春風醉倚望十里青青休聽寒角且判酒

樽事

放翁食齋詩序蜀人所謂東坡羹也東坡與徐十二

書天生此爲幽人山居之祿薺菜花兒啼啼開小兒歌句放翁食齋詩候火地爐煖加糝沙鉢香薺一名護生草孟襄陽詩天邊樹若齊春風三句用白石詞語

齊天樂

鷺

東風吹暖蘇隄路枝頭嫩簧嬌囀鼓吹詩腸鍼砭俗耳好友
聲聲相喚垂楊翠遠正芳草江南隊飛掠亂頗雜簫韶選柯
不到上林苑深閨春睡倦起恨綿蠻弄曉殘夢驚斷拂羽
宮牆求桑野徑蠶月關心時換流光又晚怕老去金衣妒他
梁燕譜入琵琶語調絃上輭韋莊詞琵琶金翠羽絃上黃鸝語

桂枝香

螺

春波漾碧盪艇子淺灘隨岸爬剔盈羽青鈿翠鬋紫文雲織
鸞環細旋去珠房曲戶深深漫誇藏密酒邊拈起公輸還笑
脆音吹徹爲送入西湖佛國伴網蛤籃魚生意憐惜最憶

清流斷尾小溪靈迹晴瀾倒影雙峰黛照烟鬢者般山色更

掛鸚鵡凌滄酣興共傾芳液有文者曰雲螺見陸詩注風俗

門戶梅堯臣詩佛寺吹螺空唱豪西湖三潭池放螺處西
溪谿築庵斷尾螺相傳濟師遺跡丹鉛總錄晏小山詞雙螺
未學同心絲雙螺蓋當時角妓頰飾放翁
詩安得西國葡萄酒滿酌南海鸚鵡螺

天香龍涎香

蠶市腥雲蛟門沫雨烟歛霧飲瓊島掃石淘沙烘霞杵月製

手廣州偏好金狻瑞靄彈指現樓臺縹緲流馥遙傳貝闕飛

馨上騰晴昊重溟海波靜了采芳洲估帆來到小炷鳳圍

螺甲畫屏人悄休例尋常麝腦是入律東風度蓬嶠翠佩奇

擊熏爐暗抱遊宦絕聞焚龍涎琴烟浮空結而不散蓋蠶氣

水底焚之直到淵底鏡圍山叢潭奉宸庫有龍涎香分錫大
臣迺侍為次以青絲貫之佩於頸昔摩抄以相示由此遂作

香佩

水龍吟 白蓮

妙華清淨天然嘉名曾說芬陀利朝霞錦畔夕陽紅外澹容
如此是也非耶翠裳羅襪凌虛仙子見亭亭玉立飄飄袂舉
疑身到瑤池際 遶郭湖烟遠記記東門訪花晨起瓊雲萬
笠金風千頃嫩涼如水藕摘銀塘鏤冰杵雪茶邊佳味恨糝
糊認取那回人面誤鷗波裏 佛經白蓮花曰芬陀利杭州慶
春門外多白華故有白蓮藕粉
製之

摸魚子 尊

話當年季鷹高致西風招引歸興香鱸亭下溪流膩那似湘
湖千頃空翠影曾綠徧春波又綠秋波淨瓜皮盪艇怪溜玉
蕩柔捲筒荷小纖手萍難定 和羹事鹽豉安排調鼎山中
宰相偏勝翻起冰雪肝腸滌斜日酒懷初醒雲臥冷共一片

頽花淺葉搖清鏡山肴味並是鮮鱸香芹蹲鴟大芋蒸鴨斷
壺頸

齊天樂

蟬

一聲旋報黃梅出連旬積陰都被柳嘶侵晨槐廳卓午吟到
斜陽西墮涼宵露顯獨咀咽清華謝除烟火噪響憑高抱枝
還共老鶯坐 招來秋意願遠謾驚愁病翼悽楚相和爽氣
方迎寒霜未戒得過而今且過形骸蛻可肯漫學春蠶自將
絲裊幾疊琴心任他螿臂躡

桂枝香

蟹

霜畦刈粒聽郭索草泥沙際留跡緯箔蘆花深處一燈搖碧
橫行介士憑如虎怕西風背紅煎急菊天茆店酥香斗玉嫩
筐輦擘 看八跪雙螯似戩笑皮裹陽秋未辨黃黑最愛持

來左手夔頭眠客尖團倘許新詩換了平生拚醉浮白歲寒

江晚橙膏風味酒邊長憶

唐彦謙詩晚稱初香蟹如虎又一斗學開紅玉滿雙螯喫出瓊酥香

又粉膏醬滌調堪嘗墨壯漫錄尼陵工人詠蟹云水清詎免雙螯黑秋老鷺逃一背紅蓋議朱劭父子也

玉樓春

春睡諧助思詞意

幾重簾幙鶯聲遠綃帳曉來寒不捲墮釵橫枕亂窩雲斜擁
一團紅玉暖 夢魂何處閒雲絆半剪秋波慵未轉憐他無
力意營騰扶起腰支還又軟

甘州

和吳仲雲蜀中見懷

正江東芳樹暮雲天雙鯉遠方來道錦城春色仙潭官閣都
是花栽目極家山鴻雁音響一何哀夢入華胥國獨上瑤臺
說與故鄉春及已風香秀麥草長枯菱有壺漿擔粥鼓腹
舞天街只西泠畫船閒艤巨雙隄冷落踏青鞋梁園樂詠西

歸句音好誰懷

水調歌頭

西谿道中

秋野淨於洗清麗滿林郊天光波影山黛空靄疊輕綃一種
淺黃深綠一種暗紅明碧圖畫不能描日色萬松頂霞綺亂
山腰 篋輿坐蹇驢跨畫船搖水窮還有降起深處把人招
踏遍萬重蒼翠尋徧萬重香色忘了路迢迢與宿白雲下臥
聽晚鐘敲

遶佛閣

余既以詩勝梁書普圓院碑此韞光禪舍次白
以此詞填詞扇和

澗西徑窈深護靜刹香樹幽篠遊騎今少二泉付與烟榛
斜照斷碑字渺唯見翠筍高透林表空院誰掃坐聽亂瓦松
檜動悲嘯 邂逅勝緣結續翰珠遣從遠道留貯故山頻羅
書體妙更志補西湖招伴吟眺晚春芳草憶舊侶同來朝露

煙波漁唱卷二

七

增悼冷波凝鷺雲愁繞典戊夏借吳我鷗訪晉園院廢址碑志無存歸後有以山舟學士書院碑
墨跡售者亟購之乾隆末編西湖志續纂載增定名勝幸
碑處此院闕遺未載非此墨跡碑文無考矣今春奉藏蔭庵
緜光而我鷗已先
恒化感概係之

鳳皇臺上憶吹簫

明樂安長公主玉印爲江都秦玉生

蓬閣天姻葦宮仙偶恩恩浩劫滄田賸寶匳瓊采零落人間
歎息秦臺孤鳳簫聲咽鞀鼓聲闐鸞去書堂萬卷盡付雲
烟 留傳篆蠅字古曾妙寫簪花押角紅妍閱兩番崑火未
損瑤鑄堪喜銀杯不化又贏得合浦珠旋情珍重詞林更添
一段因緣元駙馬關里吉思築萬卷堂印再被燼色
閣無損玉生攜至武林旅舍中又失而復得
宴清都故復堂胡孟紳處觀 園初諸老宮僚雅集酒

雅鑄梅花殘昇平日取仙蓬島清醮三蕉一斗鑄名別戶飲
隨深淺星雲灑遶東苑想簪筆金籥退晚接翠裾飛蓋西園

盡天自引觴勸長留李杜文章歐蘇政事史乘詩卷閒情
醉月高吟刻燭勝懷猶見韶華二百年換湖前輩風流事遠
但酒人淺漪珠紅琉璃照眼

高陽臺殘梅

瘦影橫塘餘香小院巡檐又是春深幾日孤山東風滅卻瑤
林癡情認做初開候奈碎雲吹到衣襟倚黃昏縞袂嬌寒翠
羽悽吟宮妝半面窺蛾綠訝娉婷那日消損而今月色枝
邊前番擩笛音沈明年縱有春痕早怕明年人老花陰更溲
然驛寄難將夢醒難尋

東風第一枝

辛亥二月十六日澹巖招飲冬青書屋賞
白山茶素蘭

霧剪輕綃香含媚靨瑤臺仙境魂繞釀寒金屋嬌藏弄妝素
娥淡掃羨紅石翠拜九錫風前花笑倚畫屏矜籠東君簾捲

更無塵到 園四座凍醅甕倒添四壁爛銀燈照共聽簷雨
敲殘設羞鬢霜換早春波又綠且莫負提壺春鳥拚醉餘花
下高歌譜入漱芳詞料

滿江紅

西湖岳廟旁村店小飲

下馬題詩話不盡千年酒壚聽熟了山童溪叟耳熱歌呼和
議古今鳩笑鷄勝懷山水客騎驢又何須往事說興亡傾玉
壺 迎烟景開畫圖聯碧憶踏青蕪指翠微亭外共試卮醑
雪滿孤山橫短笛雲吹宿雨現明湖更來朝浮鷁過西泠殘
醉扶

憶舊遊

花朝日雨後登輶光攜梁學士書普國院碑墨
本奉藏府中感懷吳君我鸞

趁山樓雨歇石簷泉生亂踏雲梯盡洗青螺髻盪江光海色
一片琉璃萬竿翠搖空溼飛上芭蘿衣怪做暝籠寒春光一

半都付鳩啼。淒迷俊遊伴。感舊夢黃墟。新草蘇隄。寂寞尋
秋約。記筍峰。苦逕曾共扶。蒸勝綠。漫誇文字碑。墨獨留題待
結社禪關。招魂夜月西澗西。

水龍吟

白桃花

似逢號國佳人。輕盈淡掃蛾眉。冶溶溶院落。夭夭之子。豔情
都謝。較瘦評肥。穠華李畔。縞衣梅下。比紅兒曲。唱臉霞。百媚
應羞說。容嬌妬。迷殺武陵漁者。渺前津。洞雲封也。烘晴一
片。那回路。認今番。心託燕外。鷗邊。杳然流水。澹無塵。惹待描
痕扇底。春風。嬾娜替崔徽寫。

滿江紅

題岳忠武王名印。拓本。數次。王詞。韻。王印。高

章彖。法。青。古。乾。魚。騰。漁。父。得。之。湘。湖。曾。燕。吳。門。彭。氏。今。歸。二。十。六。代。孫。真。吾。明。府。崇。恕。

壞汝長城歎半壁江山消歇。獨留得大名字。宙宇痕芳烈。曾

判羽書山嶽令自騰瑤采湘湖月看堅凝篆筆似臣心昆吾
切三字獄冤雖雪千載恨磨難滅對晶瑩一片唾壺敵缺
白鐵羞鎔奸佞像紅綵朗現精忠血配真容寶爵名山輝
祠闕

東風第一枝

壬子元旦雪齋用梅溪韻

快雪時晴新年啟秀花驄踏碎香土餽簫吹暖千街爆竹競
喧萬戶江天齊色占畫稿雲峰高處恨耳畔滑滑禽言負他
翠衣金縷繁厭了醉吟字句催動起看花情緒閉門鴉守
孤山遡波鷺呼舊侶檐花開也怕吹落燈前疎雨趁豔韶陌
上風薰綬綬畫船移去

霓裳中序第一

楊綱士錦愛宋玉湖左城招孤山看梅以病阻寫悶用韋臆韻

樓西遠岫叠剗地風推雲萬葉人倚天寒恨結恨妒雨困花

清宵遮月江城又雪閉瑣廳愁對書篋瑤池約錦牋芳字莫
其酒樽說 悽切休文歌咽况病損風燈怕滅銅駝儔侶怨
別想鬪詠飛觴圍坐圓缺幾株青嶂缺又和遍梅邊舊闕孤
禪夢斷橋尋去羽袂化莊蝶

又題玉湖夢雲樓詞彙叠前韻

陽春郢奏疊醉拍新詞料竹葉愁鎖丁香寸結詎夢影墮雲
歌情裁月聰明澣雪妙語穿珠非盈篋前身是玉田石帚手
贈綵毫說 清切鳴箏幽咽正酒醒蘭膏未滅江淹閒賦恨
別豔託芳蕙香吐烏玳唾壺敲半缺是絕妙花間麗闕吹簫
路小紅低唱翠鬢舞蟬蝶

和作

張左鉞 玉湖

魚函粉案疊走筆蠶聲動葉彈劍平生恨結續集名但

鏡檻夢春等船浮月詞成散雪任帖賤絨置藤篋

用李衛公事

空懷舊釵塵扇影那共膽娘說

絮切擘絃清咽視酒淚

盈衫未滅河橋無限怨別書倚烏闌帆解青瑛篆香銀字
缺又譜就霓裳數闋沈吟久翩翩拍板草綠冷紅蝶

又 題綱士小蓬萊閣詞集疊前韻

銀臺遣秀疊排山神山雲錦葉仙骨前身自結其羽袂詠霓
琅漱彈月高歌郢雪剪夜鐙題滿吟篋空中恨蕙心霞想訴
與暗盪說 嘈切鴟絃聲咽是南渡風華未滅江山閒感又
別寫怨瑤釵嬾離金珠曉風蟾影缺早唱徧屯田妙閱垂楊
逕翠嬌朱靚用夢窗賦楊公小蓬萊詞語 繚亂遶花蝶

和作

楊錦雲 題士

腸輪繞萬疊鎮日箋愁書柳葉都是憑空落結笑夢裏佩

環圖中花月華絲綴雪寄素懷吟滿湘篔差堪擬踏翠絮
夕那向世人說關切紫雲吹咽喜玉照芳徽未減王孫
何用怨別握少蛇珠贈費魚珠覆他塵壘缺甚賺得漁訝
麗閣知音感鏡將金點朽麥化蝴蝶

霜花腴

菴塵主人手折圓桂見贈賦答

小山豔雪約晚秋偏濃老圃天香幽菊東籬錦蓉南牖暄妍
其傲新霜坐禪短牀聞妙馨無隱參將證前身定是如來笑
拈金粟廣寒鄉攀取一枝攜贈散清芬異馥病榻書牕仙
夢惺忪詩脾歡喜佳晴乍過重陽畫樓見滄待杖藜重醉山
堂恨搜枯好句都無惱他花意芳

憶舊遊

鄰近沈氏庾園系氏怡園皆同人遊燕處比歲
座客多但化而半識中兩園主蓮叔直指怡伯

運丞又皆歸道

山感賦此解

重波漁唱卷二

三

記橋東巷北秋月春花三徑爭開俊侶追飛蓋有燈紅繞座
酒綠如淮翠陰亂搖襟袖笑語雜詠諧更詩虎羣仙歌鶯小
部都聚瑤臺 驚心舊遊地忽陣陣淒風填臆悲來已少樽
前客 陸循莊王禮門兩丈吳我鵬許吉齋 又園禽啼主雲鎖
蒼苔瘦人怕逢秋到忽聽七吟哀過幾處黃壚潸然老淚零
滿懷

暗香 梅魂

鹽陽十月早嶺頭送暖招來雲竊乍返好春猶記前番黯然
別明月橫塘數點剛浮動黃昏時節護襯著玉骨龍綃幽響
情移屣 清絕滿谿雪想自聳瘦肩笑開芳靨澹香暗拂
前總飄瞥生怕隨波一片銷去也江城吹徹等豈與他

綺衣更接

其二 禁體凡招返銷斷等字不用

舊昔眷屬伴三生石上高人君復共守歲寒窮窈仙姝在空
谷來去西湖月滿偏依戀孤山幽獨最喜是春到人間吹凍
黠蛾綠 冰玉遠塵濁有俊語翠禽竝倚修竹夢痕更續掃
地焚香伴退躅環佩珊珊步也愁細雨關山栖宿借驛使攜
付血紙窗幔屋國澤詩三生石上舊精魂袁梅詩疎筆點梅
魂又掃地焚香淨客魂

同作

按白石旁譜協四聲

楊錦雯

網士

翠禽寂寞怕冷香未返招回東閣喚醒綠華月底冥冥吐
僵萼前度春風易轉休更怯淒迷霜角奈徧覓鶴夢無蹤
疏影出籬落 愁魄又漠漠似倩女乍離化蝶依約誤將
笑索癡絕雲痕怎栖託追念關山雨細知倦客年時飄泊

其舊恨吹幾縷
暝烟澹薄

又

同上

張左鉞韻梅

數聲玉筴喚懶雲
暗墮愁春無力乍引綠旂一枕寒香杳
難覓環珮歸來夜
悄空望極關山行客任化作蠅夢悠揚
和影宿烟驛
消息更寂寂况成館閉門暮角悽惻故園
謾憶殘月清樽怎銷得
尋向朦朧紙帳渾怨卻霜天明白
又片片飄散了古苔痊碧

疎影

菊影

霜英淡結愛淡中更淡幽韻清絕月上籬東白粉牆邊銀牋
墨暈重疊悠然乍見南山外便寫出淵明高潔想載奔衡宇
歸來吹袂有風飄拂軒戶華燈又上畫屏四照裏秋意澈
澈只恐簾前自顧魂消瘦比黃花還別香潭莫試陵波步怕

又見滿頭簪雪對數枝繞壁蕭疏且醉瓊霞芳冽

其二

禁體凡水邊月下燈前鏡裏等語不用

天然澹逸怪綉容老圃猶炫顏色寫上銀屏簾卷風前飄颻
高土巾幘疎疎密密幽姿活便妙墨徐熙難匹坐夜窗醉把
萸樽幾度酒邊頭側 星鬢蓬鬆亂插笑生自顧裏酣興如
昔昨夜霜濃不怕花殘傲骨稜稜留得扶疏一片柴桑徑伴
巾地松陰搖碧愛淡交如此秋痕莫道晚香蕭瑟

同作

禁體

張左鉞

玉湖

玲瓏素壁甚暗霜暈晚難綉秋色石逕疏蕪冷豔無痕迷
金檻底重覓萸香小瓊風鱗細偶照見簪頭欹側只瘦魂
欲顧誰憐賸有卷簾人惜 移向明鬆淨几露華看倒貯
涼韻空挹隔苑昏黃巾地寒英誤了餐芳詞客微茫一幅

東籬稿合與取白描仙筆賺夜闌凍蝶梳翎閃過半叢深

黑

又次玉湖韻

楊錦雯 曉嵐

瓏鬆界壁裊碎金細縷銀粉無色豔寫霜腴認得雙身涼
魂畫裏重覓曲闌近底看搖颺料檻外西風吹側問澹痕
幻作空花可有采芳人惜 不道煙叢媚晚捲簾乍映取
幽致如挹移傍樽前一片迷離絆住柴桑歸客秋屏隱約
渾疑夢怎繪到入神仙筆笑下階誤索寒香又把短籬遮
黑

百字令

葛壯節公寶刀歌和滋伯公於道光辛丑舟中
禦賊殉節建祠甬上並藏所遺寶刀二共一曰

成忠節臨敵所佩歿
猶手握不釋者也

轍車雲起卷烟塵海上風腥蛟鱗火燎波紅城斗大誓死將

軍橫梁馬草欲賦鷹嘗淬礪猛氣前無卻將星驚隕柄環猶
存拳握 鑄就兩字成忠丹心素願爭烈精忠岳奕奕新祠
遺器設千丈寒芒噴薄貔虎摧頽犬羊驕縱餘恨吳鉤託呂
虔誰授拜瞻悲涕零落

同作

魏謙升 滋伯

淬鋒鳴嘯促將軍壘上輟耕而起鑄此防身銘在樽要斬
樓船颺魅礮石轟轟雲濤拍岸青火騰鑑蒲勝他長劔匣
中三尺秋水 當日橫梁悲歌成忠錫號與爾同生死繼
有鐵衣慈母線殉國須求孝子曰炯猶開面留僅半所持
丹心耳嘉賓何幸伴公千古傳矣 賊犯舟山公方居父憂
治田山陰奪滿庭狂率
師守道頭進賊至竹山門一酋以長刀削去
公半面公猶持刀殺賊賊砲擊之遂遇害

又

張左鉞

連環龍雀甚斑花，剝紫英銼如蘖。要與乾坤平浩劫，青海磨銅時候光彌。鞞中霽雲席上血，灑屠鯨手樓蘭未斬白虹驚看躔斗。當日刑馬鑿軍上流難斷橫，稍空支守想見戎衣斜壓處，肝膽一身能剖碧。莽遺冠金寒佩玦兩字成忠壽風生霜鞘壁間猶作騰吼。

摸魚子

陳芝楣觀察別二十年矣壬子秋督漕南下將引疾投簪遽歿於邗江喪歸哭之仍次前題觀

察鳳城仙夢圖調

數銅駝舊遊裙屐晨星今幾儔，侶故人天末飛還翼，報道過帆淮澗將訴與二十載江雲涓樹相思苦，鄉關竟阻只千里揚州吹簫跨鶴引夢紫霄去。空澗溯談辯雕龍繡虎燈檠樽酒前度傷心老淚州門灑不似那番南浦嗟倦旅便買得歸田也要江波許，摧琴罷撫歎風燭須臾山邱零落華屋幾

曾處

紀夢事見前卷君買山有
資卜居得屋而不及身至

憶秦娥

冬夜枕上

迢迢夕五更睡足窗兒黑
廳兒黑衾寒重熨夢殘重覓夢
痕尋到羅浮迹啼鴉喚醒
廳兒白窗兒白披衣還嬾曉風吹
急